

# *KRESTE U PALUXIWILE*

## *ERITWENI RA YENA N'WINYI*

 A hi korhamiseni tinhloko ta hina. Hosi Yesu, Murisi wa Ntlhambi lowukulu, hi le xikweletini xa Wena, Hosi, leswaku hi nga ka hi nga Ku hakeli eka rirhandzu leri Wena u ri dzudzeleke makorhweni ya timbilu ta hina. Hi titwa hi nga ringanelanga tanahi loko hi korhamisa tinhloko ni ku yima evukoneni bya Wena. Hi kombela Wena leswaku u hi basisa eka swihoxo hinkwaswo ni swidyoho hinkwaswo. Ha khongela leswaku U ta tiyisa mimiri ya hina namuntlha. Vo tala va vabya ni ku xaniseka, tanahi loko swi kombisa lahawani, hi swidukwani ni swikombelo leswi nghanaka eka tiqingho ni hinkwako.

<sup>2</sup> Nakona hi pfumela leswaku hi le ku heteni ka matimu ya misava leyi sweswi, kutani ku nga ri khale nkarhi wu ta nyamalalela Makumu, nakona hi lava ku tilulamisela awara yaleyo. Hikokwalaho hi hlanganile laha mixo lowu, ku ri ku lulamisela nkarhi walowo. Ndzi byeriwile leswaku ku ni vuuhlanganisi byo tala bya tiqingho mixo lowu ku tsemakanya rixaka, ku suka eka timheho hinkwato ta misava. Hinkwako laha marito ma hina ma humaka kona, i ngaku ku nga katekisiwa xintlawani xexo lexintsongo. Horisa vavabyi lava nga exikarhi ka vona, nakambe ndza khongela leswaku U ta basisa mimoya ya vona eka vubihi hinkwabyo. Nakambe hi pfuni laha eka mixo lowu, ka tabernakele, leswaku na hina hi ta tiphina hi nkateko lowukulu.

<sup>3</sup> Nakona ha kombela leswaku U ta vulavula na hina namunthla hi Rito ra Wena leri tsariweke, leswaku Moya wu nga hi paluxela swilo leswi hi swi lavaka, tanahi loko ha ha hlengeletanile hi tinxaka hinkwato sweswi, hi ri karhi hi titwa tanahi ntlawa lowuntsongo wa vanhu, kambe hi ri ni ndhawu exikarhi ka vakutsuriwa, hikuva hi pfumerile eka Yesu Kreste. Hi nyike swilo leswi, Hosi.

<sup>4</sup> Kutani loko hi pfala ntirho ni ku ya emakaya ya hina yo hambana-hambana ku tsemakanya tiko, onge hi nga vula leswaku, kukotisa lava a va huma e Emaus, "Xana timbilu ta hina a ti pfurhangga endzeni ka hina loko A vulavula na hina endleleni xana?"

<sup>5</sup> Sweswi, Tatana, ndza swi tiva leswaku swin'wana na swin'wana leswi ndzi nga swi vulaka swi ta va leswi nga enelangiki hakunene, na Vakreste lavanene e—etikweni hinkwaro sweswi lava va nga ha ku pfulela sweswi, swi nga

ka—swi nga ka swi nga ringaneli. Ku nga ka ku nga vi nchumu lowu ndzi nga wu vulaka lowu nga endlaka xo karhi lexinene, hikuva hinkwerhu hi le ka xiyimo lexi fanaka. Hi vanhu, lava faka. Kambe pfumelela Moya lowo Kwetsima lowukulu wu vulavula; leswaku A nga ha khoma Rito kutani a ti paluxa hi Yexe. Hi langutele Yena sweswi, hi Vito ra Yesu. Amen.

Mi nga tshama ehansi.

<sup>6</sup> Ndzi kotisa ku...tihamarisa hi ndzexe. Ndzi byerile nsati wa mina, loko a nga va a yingiserile, ehansi eTucson, leswaku a ndzi nga ehleketa leswaku ndzi nga ha khoma xikhongelo loko ndzi vuya; nakona a ndzi kalanga ndzi teka swiambalo. Kutani ndzi te eka n'wingi wa mina, a ayinile baji ra mina, kutani ndzi ku, "Ndzi tshama ndzi ri aphuluphitini, na... A va swi tivi leswaku tiburuku i muxaka wo karhi nakona baji hi wun'wani." Hileswi ndzi swi ambalaka ekaya. Kambe, Meda, u ayinile hembhe ya mina na hinkwaswo ka swona, kutani hinkwaswo... U nga vileli; hinkwaswo swi lulamile.

<sup>7</sup> Sweswi, hi ni xikombelo lahawani, leswaku ku na makwerhu la rhandzekaka swinene... Nakona ndzi ehleketa leswaku—leswaku ePrescott, ndza pfumela, u khweketiwile mixo lowu, ehenhla e—e Prescott, Arizona. Tata wa Sesi Mercier a ri endleleni ya yena yo ta eka nhlengelatano kwalahawani, ndza swi twisia, kutani a fanele ku yisiwa exibedlele hi vuvalbyi bya mbilu, Makwerhu Coggins. Nakona, nakambe, Makwerhu Junior Jackson, ndzi ehleketa leswaku u le ka xiya-ni-moya xa le kusuhi ehansi, kumbe riqingho ra le kusuhi ehansi eClarksville kumbe eNew Albany, nakona tata wa yena u le xibedlele, ndza swi twisia, hi vuhandzuri lebyi chavisaka bya mfukuzani exivindzini. Kutani hi lava ku va tsundzuka eswikhongelweni swa hina. Nakona sweswi ku na van'wana lahawani, na vona, kambe a hi lavi ku heta nkarihi. Xikwembu xi tiva hinkwaswo ha vona, kutani a hi va khongeleleni sweswi.

<sup>8</sup> Xikwembu lexi rhandzekaka, tanahi la rhandzekaka, wo dyuhala, wanuna wa mavoko lawa ya khanyaneke nhlonge, Makwerhu Coggins, mutokoti wa khale ensin'wini, u na... ettele exibedlele mixo lowu, kun'wana, u xaniseka hi ku hlaseriwa embilwini ya yena. Xikwembu, mbilu yaleylo ya vusiwana ya khale yi hundzile emaxangwini yo tala. Ndza khongela, Xikwembu, leswaku u n'wi pfuna. Hi nyike swona. U kotisa... U rhandza vutomi kukotisa leswi hinkwerhu hi byi rhandzisaka xiswona, nakona wa swi lava ku hanya. Hosi Xikwembu, hi nyike swona. Hina ku tsemakanya tiko ha n'wi khongelela hi Vito ra Yesu, leswaku U ta n'wi horisa ni ku n'wi ntshuxa. Ha pfumela leswaku U ta swi endla; u tata a horile enhlengelatanweni.

<sup>9</sup> Hi khongelela Makwerhu Jackson, tata wa yena lowo xonga u etlerile lahaya ekusuhi na rifu sweswi, nakona la tiseke jaha ra kahle ro kotisa Junior emisaveni. Ndza—ndza—ndza khongela, Xikwembu lexi rhandzekaka, leswaku U ta n'wi

horisa. Ndza swi tiva leswaku swi tikomba swi nga koteki. Vavutshunguri, madokodela, a va—a va swi tivi leswi va nga swi endlaka eka xiyimo xexo. Kambe hi tsundzuka Makwerhu Hall, na yena, loko va swa vutshunguri va xiyimo xa le henhla laha va nge te, eLouisville, va te, “O va na ntsena tiawara tingari tingani ta ku hanya,” hi mfukuzani exivindzini. Nakona wa hanya namunlhā, nakona sweswo swi humelele makume mbirhi-ntlhanu wa malembe lawa ya nga hundza, hikwalaho ka tintswalo ta Wena. Kutani ndza khongela leswaku U ta horisa Makwerhu Jackson namunlhā, Hosi, pfumelela tintswalo na ntsetselelo wa Wena swi va na yena.

<sup>10</sup> Na yona ndhundhuma leyi ya swidukwani ni swiambalo ni swilo leswi vekiweke laha hi xikombelo; Wa swi tiva hinkwaswo, Tatana. Ndza khongela leswaku U ta nyika ku horisiwa ka vona hinkwavo. Hi Vito ra Yesu Kreste. Amen.

<sup>11</sup> Ku sungula sweswi, mixo lowu, a ndzi nga ehleketi leswaku a ndzi ta ta, eku sunguleni, Sonto lowu hundzeke. Kutani nakambe, loko hi swi tivisile, ndzi tile. Makwerhu Neville u endlile leswaku ndzi vulavula! Nakona hi tivisile ku va kona namunlhā, nakona a swi tivisiwanga ehandle ku rhendzeleka ni tiko eka vanhu. Nakambe hi na vukorhokeri lebyi bya riqingho sweswi, lebyi byi nga kahle swinene, kahle swinene. Vanhu va nga ha tshama emakaya ya vona kumbe ya vona... va hlengleletana etindhawini ta vona, etikerekeli ta vona, na kun'wana na kun'wana, kutani va twa xikhongelo. Ndza swi khensa sweswo.

<sup>12</sup> Sweswi ndzi vona leswi andlariweke lahawani, ku vile na swikombelo swo tala vhiki leri hundzeke, eka leswi ndzi swi vuleke eka Sonto lowu hundzeke eHungwini. Ndzi pfumela leswaku ndzi rivele leswi nhloko-mhaka a ndzi yi thyise xiswona sweswi. Kambe ndzi vurile swin'wana mayelana na ku hakela swikweleti swa wena. Nakona wa swi tiva, a swi na mhaka ni leswi u swi vulaka, a swi twisisiwanga eka vo tala. Kungari leswaku va... a va lava kuka va nga swi twisisi, kambe ntsena woka u nga swi twisisanga.

Kutani sweswi un'wana u te, “Xana hi nga xava movha xana?” Kumbe, “Xana ndzi fanele ku...”

Sweswi, sweswo a hi swona leswi Yesu a nga vulavula hi swona, kumbe Bibele lahaya, leyi nga te, “U nga koloti munhu nchumu.” Sweswo i swikweleti leswi swi tshamaka swi ri kona leswi u nga swi hakelaka. Swi hakeli. A swi... Sweswo i ku va u nga koloti munhu nchumu. A swi vuli ku ri... Mina, hi kolota rhente, xikweleti xa riqingho ra hina, hina...na swihi swin'wana. Hi—hi kolota swilo sweswo, kutani ha swi hakela. Kambe, xikweleti xa khale lexi tshamaka xi ri kona lexi u nga va ka u ri eku xi hakeleni, xi hakeli xi hela. Wa vona? Sweswi, u nga fambi na nchumu wun'wana na wun'wana lowu wu nembelelaka eka wena tanahi sweswo.

<sup>13</sup> Ndzi tsundzuka nkarhi wun'wana loko ndza ha vabya, kan'we loko ndza ha ri jaha. Ndzi humile exibedlele ndzi ri karhi ndzi kolota magidi mbirhi ya tidolara. Nakona a ku ri xitolo xa mirhi laha, Tatana Swaniger, a ndzi n'wi kolota kwalomu ka nharhu kumbe mune wa madzana ya tidolara, ta xikweleti xa mirhi. A nga ndzi tivi hambi ku ri ku ndzi tiva. Kutani wanuna...ndzi yile eka yena. A ndzi nga n'wi tivi. Nakona ntsena u yi rhumerile ehenhla lahaya, hi ndlela yin'wana, a nga alanga ku yi rhumela. Kutani ndzi ku, "Ndza ku kolota." Nakambe ndzi ku...ndza pfumela, Swaniger...A ku ri Tatana Mason ehansi eCourt Avenue na Spring.

Kutani ndzi ku, "Ndza ku kolota. Nakona ntsena ndza—ndza ha ri la tsaneke hi ndlela yo chavisa, kambe ndzi le ku ringeten i ka ku ya entirhwени. Sweswi, loko ndzo ka ndzi nga ku hakeli..." A ndza ha ku va Mukreste. Ndzi ku, "Xo sungula, Tatana Mason, tanahi vutihlamuleri bya mina eka Xikwembu, ndzi Xi kolota vukhume bya mina. Ndzi lava ku Xi hakela vukhume bya mina, ku sungula." Nakambe ndzi ku, "Kutani ntirho wa mina lowu landzelaka i ku hakela swikweleti swa mina." Ndzi ku, "Tata wa mina wa vabya, nakona u...Nakambe hi na...Ku na khume ra hina vana endyangwini." Kambe ndzi ku, "Ndzi ta...Loko ndzo ka ndzi nga hakeli kutlurisa machemambirhi na nzukwa eka xikweleti xexo, hi siku rin'wana na rin'wana ra muholo; loko ndzo ka ndzi nga ku hakeli hambi ku ri machemambirhi na nzukwa, ndzi ta ta ndzi ta ku byela ha swona. Ndzi ta ku byela, 'Ndzi—ndzi—ndzi nga ka ndzi nga swi ndli eka nkarhi lowu.'" Sweswi, hi ku pfuniwa hi Xikwembu, ndzi hakerile ntsengo hinkwawo. Wa vona? Kambe sweswo hileswi ndzi swi vulaka, wa vona? Ntsena un'wana a nga vuli a ku...

<sup>14</sup> Oho, Mukreste un'wana kwala kerekene nkarhi wun'wana u humile a ya lunghisisa movha lahawani, kutani wanuna u tile... Wanuna a fika a ku, "Ndzi ta ku hakela. Ndza hola hi Mugivela," kumbe swin'wana. Nakona a nga kalanga a n'wi hakela. Nakambe ku hundzile mavhiki na mavhiki, kutani a nga kalanga a n'wi hakela, a nga kalanga a vula nchumu. Hiloko—hiloko wanuna a ta ku ta ndzi vutisa, a ku...Wa vona, swi poyila kerekene. Swi poyila na Kreste.

Loko u nga n'wi hakeli, famba u ya n'wi byela, u ku, "Ndza ku kolota, nakona ndzi ta ku hakela. Ndzi Mukreste, kambe ndzi—ndzi ntsena...A ndzi nge swi koti sweswi, ndzi na... Ndzi kolota leswi." Nakambe, tsundzuka, swi le tibukwini ta Xikwembu na swona, ma swi tiva, leswaku u swi endla. Kutani sweswo i...ndzi ringeta ku, eka mina ni le ka hinkwerhu ka hina xikan'we, ku ringeta ku ti lulamisela, hikuva ha swi tiva leswaku hi le ku tshineleni ekusuhi na nchumu wun'wana, kusuhi swinene na nchumu wun'wana lowu yaka eku humeeleni.

Kutani hi lava ku tilulamisela. Loko ku Vuya ka Hosi ku tshinela ekusuhi sweswi, hi lava ku tilulamisela awara yaleyo leyikulu.

<sup>15</sup> Sweswi hi lava ku tilulamisa niku vulavula sweswi hi dyondzo yintsongo lahawani leyi ndzi yi hlawuleke mixo lowu, hi ku pfuniwa hi Hosi. Nakona hi ta vulavula hi ku komisa hilaha hi nga kotaka ha kona, hikwalaho ka ku khweketiwa ka vanhu. Ndza tshembha hinkwenu mi na... hinkwenu ku tsemakanya tiko, mi ni mixo lowunene tanihhi lowu hi nga na wona lahawani eIndiana. Lamanene, yo hola, maxelo ya kahle lawa hi nga na wona hi mpfhuka ku nile mpfula. Nakona ya kahle swinene.

<sup>16</sup> Sweswi ndzi lava ku hlaya eka Buku ya Vaheveru, kavanyissa ka vu1; nale ka Buku ya Mukwetsimi Yohana, kavanyisa ka vu1. Vaheveru 1:1 ku fika eka 3, na Mukwetsimi Yohana 1:1, ku kuma dyondzo. Dyondzo ya mina mixo lowu i dyondzo yale Matsalweni. Sweswi a hi hlayeni Vaheveru 1:1.

*Xikwembu, xi vulavurile khale...na vatatana hi minkarhi leyo tala ni mikhuva leyo tala xi vulavula hi vaprofeta,*

*Kambe sweswi hi masiku walawo ya makumu xi vulavurile na hina hi N'wana wa xona, yaloyi xi n'wi vekeke mudya-ndzhaka wa swilo hinkwaswo, loyi nakambe xi endleke misava ha yena;*

*Yena yaloyi a nga ku vonakala ka ku kwetsima ka xona, ni...xivumbeko xa xiviri xa xona, la tamelaka swilo hinkwaswo hi rito ra yena ra matimba, kuteloko a hlantswile swidyoho swa hina hi xiviri xa yena, u tshamile vokweni ra xinene ra Vukulukumba bya le henbla;*

I ku hlaya ko saseka njhani! Sweswi Mukwetsimi Yohana 1:1.

*Eku sunguleni Rito a ri ri kona, Rito a ri ri na Xikwembu, kutani Rito a xi ri Xikwembu.*

<sup>17</sup> Sweswi, kutani nhloko-mhaka ya mina mixo lowu i ku: *Kreste U Paluxiwile Eritweni Ra Yena N'winyi.* Sweswi, laha ndzi fikeke eka xiheri xo vulavula hileswi, i mhaka ya leswaku... Hi ku tiva leswaku leswi hi swi vulaka a hi fanelanga ku swi vula hikokwalaho kova hi hlanganile hinkwerhu ku va hi vulavula ehandle ka vulawuri hi nchumu wun'wana na wun'wana, kambe i nchumu lowu nga ta pfuna ku tiyisa vanhu, hikuva hi ta hundza eka nghozi, mati ya khombo. Hi le ku tluteni eka wona. Nakona nkarihi wun'wana ndzi tshembha leswaku swi le ka wena tanihhi loko swi ri eka mina, swi languteka tano, swo tala swa swona, i swilo swo chavisa.

<sup>18</sup> Ntsena a ndzi ri eku vulavuleni na muministara lontsongo na nsati wa yena, ekamareni, eka xinkadyana lexi hundzeke. Kutani ha vumbirhi bya vona va chava kukotisa misava hinkwayo,

vanhu hinkwavo emisaveni. Ndzi ku, “Tsundzukani, Sathana u na xibakele lexi taka eka n’wina.” A nga na mhaka ni leswaku u mani, Xikwembu . . . U na lunghelo ra xibakele xexo xin’we. Hi xihi lexi swi nga ha antswaka leswaku mi va xona, xibakele xexo; mi va mabofu, kumbe u va muvabyi wa marhambu la tshameke exitulwini, kumbe u chava? Wa vona? U ni laha a nga ku baka kona. U na lunghelo ra ndhawu yaleyo yo pfuleka. Sweswi, yaleyo i ndhawu leyi u faneleke ku tshama u yi phutserile nkarhi hinkwawo. Nakona ku vona nguva leya nchavo leyi hi hanyaka eka yona!

<sup>19</sup> Nakambe tithepi ta vhiki leri nga hundza, ndza ehleketa, ti ta mi paluxela swilo leswikulu swo chavisa leswi hi nga ta vulavula hi swona eka rin’wana ra masiku lawa loko hi nga kuma ndhawu leyi ringaneleke, ya ku pfuriwa ka makhombo lawa yo hetelela ku va ya cheriwa ehenhleni ka misava, Swimbitana sweswo, kahle-kahle, ku chuluriwa ka Swimbitana, na Tindlati ta Nkombo, na swilo leswo chavisa leswi taka ehenhleni ka misava. Munhu sweswi, na vanhu namunthla, va le ka xiyimo xexo xo chava; misava hinkwayo!

<sup>20</sup> Mi hlaya *Reader’s Digest* leyi ya nhweti leyi nga hundza, mi ta xiyisia hungunkulu kwalahaya; ri le ka Billy Graham, muevhangeli lonkulu. U karhele ku fikela laha a nga ha swikoteki ku khoma tinhlengeletano ta yena, nakona u—u yile etliliniki ya Mayo ku ya kamberiwa emirini. A ku ri hava lexi hoxekeke hi yena, ntsena a nga ha endli ntirho lowu eneleke. Kutani va n’wi yisile eku tsutsumeni; vutiolori bya miri. U tsutsuma mayili masiku hinkwawo.

Nakambe atikili yi ya emahlweni yi vula leswaku sayense yi swi khorwisile sweswo namunthla, leswaku vana lavantsongo, vona vafana na vanhwana lavantsongo, “va fika eka malembe ya le xikarhi hi makume mbirhi wa malembe hi vukhale.” Nakona eka makume mbirhi-ntlhanu, minkarhi yo tala, eka timhangu to tala, vanhwanyani va tikuma va hundzeriwile hi ku vona tinhweti ta vona, eka makume mbirhi-ntlhanu wa malembe hi vukhale.

A ndzi swi tivi loko ku ri leswaku a mi swi tiva kumbe mi nga swi tivi, kambe eka madyambu mangari-mangani lawa ya hundzeke loko Moya lowo Kwetsima wuri karhi wu vulavula laha enhlengeletanwini, xinhenyetani lexintsongo lexi a xi tshamile ehansi lahwani, hileswi a swi hoxekile hakunene hi n’wana yaloye loko a huwelerile. Ndzi n’wi langutile ravumbirhi, ndzi languta nakambe, kutani ndzi vonile leswi a swi hoxekile. Ndzi ehleketa, “Swi nge koteki; n’wana yaloye wa ha ri ntsongo swinene.” Kambe a ku ri ku ka a nga ha voni tinhweti ta yena, kwalomu ka makume mbirhi wa malembe hi vukhale, makume-mbirhi nharhu, swin’wana swo kotisa sweswo. Wa vona?

<sup>21</sup> Mana wa mina ni mana wa wena va fikelele malembe yalawo kwalomu ka makume mune-ntlhanu ku ya eka makume

ntlhanu. Nsati wa mina u fikelele malembe yalawo a ri kwalomu ka makume nharhu-ntlhanu. Sweswi swi ye ehansi ku ya eka makume mbirhi. Rixaka hinkwaro ra vanhu ri borile. Kutani, loko ku ri ku nyama emirini ya hina yi le ku hlakalen kukotisa sweswo hi ku dya swakudya leswi nga pfanganyetiwa, swo vamba, hi swona swi wu borisaka, xana sweswo a swi borisi na yona nhlanga ya byongo xana? Kutani hi nga ha vona hilaha vavasati va nga nghenaka eswitarateni, va nga ambalanga nchumu. Hi nga ha vona hilaha va nga chayelaka hi rivilo e—e switarateni hi dzana na makume mbirhi wa timayili hi awara, swilo leswi hinkwaswo. Swi fike eka xiyimo laha rixaka hinkwaro, misava hinkwayo, ku nga ri rixaka leri ntsena, kambe hinkwako, va lahlekeriwile hi miehleketo.

<sup>22</sup> Kutani loko hi swi pfula leswi, loko Hosi yi swi rhandza, eka Swimbbitana leswa Nkombo ni ku kombisa swilo leswo chavisa. Vavanuna va ta va lava hlanganeke tinhloko, endzhakunyana, ku fikela laha va nga ta anakanya leswaku va le ku voneni ka masokoti lawa ya ringanaka na ntshava. Swi ta va swi xanisa vavasati; loko tinjiya ti ta ehenhla ka misava, ti ri na misisi yo leha, ku ta xanisa vavasati lava yi tsemaka; misisi yo kotisa vavasati, yi lenga-lengela ehansi; na matino yo leha, tanahi nghala; mindzhombho yi ri emincilene ya tonu, kukotisa xipamu, na—na swin'wana na swin'wana, ku xanisa vavanuna emisaveni. Kambe kutani swi ta va leswi hundzeriweke hi nkarhi ku endla nchumu wo karhi hi swona. U lulamisa sweswi. Wa vona? Ku xanisa!

<sup>23</sup> Nakambe Sonto lowu hundzeke loko hi ri karhi hi ya eka ku vuyelela ka swiyimo sweswo, mayelana na hilaha leswa ntlhanu swi nga switwi swa le handle. Sweswo i ndlela yo nghena endzeni, switwi swa ntlhanu emirini. Ku ni ndlela yin'we ntsena u nga nghenaka hayona emirini, ku nga hi switwi leswi swa ntlhanu: ku vona, ku ringa, ku khumba, ku nuhetela, na ku twa. Ku hava ndlela yin'wana yo tihlanganisa na—na miri.

<sup>24</sup> Endzeni ka munhu yaloye ku na munhu la vitaniwaka moyo, nakona u na switwi swa ntlhanu: ku ehleketa, ku anakanya... na ku anakanya, na rirhandzu, na ripfalo, na swin'wana na swin'wana. Hi swona.

<sup>25</sup> Sweswi, u nga ka u nga ehleketa hi miri wa wena. U ehleketa hi miehleketo ya wena. Nakona kwalahaya hilaha vo tala, va Vakreste, va yimaka kona ntsena. Nakambe va nga swikota, ntsena tanahi mavele ensin'wini na mfava ensin'wini, swi nga ha totiwa hi Moya lowo Kwetsima lowu fanaka na lowu mupfumeri wa xiviri a totiweke ha wona.

Kambe ehansi endzeni ka sweswo, xiyimo lexi landzelaka, xiyimo xa vunharhu, i moyo-xiviri; nakona wa lowo wu hlawuleriwe emahlweni hi Xikwembu. Lahaya hilaha ntsutsu wa mbewu wu kumekaka kona, wu kwalahaya endzeni.

<sup>26</sup> Kutani, tsundzukani, loko ndzi nga teka gwanda ndzi ri tsema ri pfuleka, na ku namarheta mbilu ya—ya koroni endzeni ka rona kutani ndzi swi veka lahaya, ndzi swi funengeta, swi ta humesa koroni leyi yi humaka eka gwanda; swi nga ri na mhaka leswaku xikhamba i yini, i vutitwi bya njhani.

<sup>27</sup> Namuntlha, ku hlangahlanganile hi mayelana na vumbhoni bya Moya lowo Kwetsima, na swin'wana na swin'wana. Sathana a nga ha encengeta muxaka wun'wana na wun'wana wa nyiko leyi Xikwembu xi nga na yona, kambe a nga ka a nga ri tisi Rito rero, Rito hi Rito. Hi kona laha a tsandzekeke kona entangeni wa Eden. Hi kona laha a tsandzekaka hi minkarhi hinkwayo. Hi kona laha toni, thepi ya “va totiwa, va vunwa,” kumbe lava nga totiwa; va nga ha va va totiwile hi Moya, va vulavula hi tindzimi, va cina, va huwelela, va chumayela Evhangeli, nakambe va tama va ha ri javulosi.

Hileswi nga endzeni! Sweswi tsundzukani, Yesu u te, “Hinkwaswo leswi Tatana a nga Ndzi nyika swona swi ta ta eka Mina. Ku hava munhu loyi a nga ta ta handle ka loko Tata wa Mina a n'wi koka ku sungula.”

Sweswi, hi tekile eka dyondzo, ku kombisa leswaku eka... A mi ri eka kokwa wa kokwa wa kokwana wa n'wina, ndlela hinkwayo ku ya endzhaku, hi ku vulavula ka xinyama. Kutani, sweswo hileswi u nga swona eka munhu wa xinyama, ntumbuluko. Nkarhi wun'wana n'wana u ta tswariwa endyangwini, a ri na misisi yo tshwuka. Swi hlamarisa tata wakwe, hikuva a ku na loyi a n'wi tivaka, eka vanhu vaka vona, wa misisi yo tshwuka, kumbe eka va mana wa yena. Kambe loko u nga tlhelela endzhaku eka tinxaka tingari-tingani, u ta kuma leswaku un'wana a ri na misisi yo tshwuka. Mbewu yaleyo yi tshamela ro yisa ehansi, nakona u huma eka ntumbuluko wa un'wana ku sukela le ndzhaku.

Tanihi laha Vaheveru kavanyissa ka vu<sup>7</sup> yi vuleke, leswaku, “Melkisedek, Abraham u N'wi humesele xa vukhume loko a vuya eku hluleni ka tihos. Na yena Levi, loyi a mukeleke vukhume, u humesile vukhume,” hikuva a ha ri exisutini xa Melkisedek eka... kumbe, “exisutini xa Abraham,” kumbexani, loko a ta hlangana na Melkisedek.

<sup>28</sup> Sweswi nchumu lowu fanaka hi lowu. Loko u ri n'wana wa Xikwembu, nakona loko ndzi ri n'wana wa Xikwembu, kumbe n'wana wa xisati wa Xikwembu, a hi ri eka Xikwembu emasunguleni. Nakona loko Yesu a vile ku hetiseka ka Rito, kutani a hi ri eka Yena, hi xivumbeko xa ntsutsu. Loko A vambiwile, hi vambiwile emirini wa Yena. Loko A pfuka eku feni, hi pfukile na Yena. Kutani sweswi, ku sukela loko hi swi lemukile, “sweswi hi tshamile swin'we na Yena, etindhawini ta le Matilweni eka Kreste Yesu.” Wa vona? Hikuva U... Hina, loko hi ri vana va xinuna na va xisati va Xikwembu, hi vana va Xikwembu, kutani hi swihlawulekisi swa Xikwembu. Kutani a

hi ri . . . na Vutomi lebyi nga Heriki. Nakona Xikwembu hi xona Vutomi lebyi nga Heriki lebyi nga kona. Kutani, a hi ri eka Xona ku sukela emasunguleni. Nakona loko Yesu a hundzuке Rito rero hinkwaro, kutani hi vile xiphemu xa Yena. Amen! Hi sweswo. Sweswo hileswi swi nga endzeni kwalahaya, a ku na javulosi, a ku na matimba, a ku na nchumu lowu nga swi susaka. Walowo i mukhungo wa phuphu wa moy-a-xiviri.

<sup>29</sup> U nga ha totiwa ehandle *lahaya*, emoyeni lowu, na ku navela, na ku endla swilo leswin'wana hinkwaswo. Kambe loko swi ta eka mukhungo lowu wa phuphu eka Rito rero, u nga ka u nga suki kwalahaya. Wu ta khomelela wu nga ninginiki na ku va entiyisweni, eka Rito rero, tanihi laha wu nga vaka xiswona. Ehandle ka sweswo, swi nga ri na mhaka leswaku u endla yini, wa ha lahlekile.

<sup>30</sup> Yona Nguva yaleyo ya Kereke ya Laodekiya, "leyi nga ambalangiki, yi nga bofu, ya khombo; a yi swi tivi hambi ku ri ku swi tiva." Wa vona, swi le handle . . . Hi vona vatotiwa, ku totiwa hi Moya wa xiviri. Wa vona, wona Moya lowo Kwetsima walowo wu nga ha wela ehenhleni ka munhu, emoyeni wa yena. Kambe moy-a-xiviri wa yena i ntsutsu; ntsutsu wolowo i Rito. Wa vona? Ni hilaha . . . A ndzi na mhaka ni hilaha u chumayelaka hakona, hilaha u kotaka ku endla *leswi* kahle, ni hilaha u rhandzaka hakona; hi yin'wana ya tindlela to nghena emoyeni. A wu nge swi koti ku rhandza hi miri wa wena; u rhandza hi moy-a wa wena. Hi yin'wana ya tindlela to nghena. Nakona u nga ha rhandza, nakona hambi ku ri ku rhandza Xikwembu, nakambe u tama u nga lulamangi. U nga ha hlongola madimona, ni ku chumayela, ni ku endla swilo leswi; u tama u nga lulamangi. Yesu u vule tano, u te vo tala va tata hi siku lero. Rito lero ra swi tshamisekisa!

*Eku sunguleni Rito a ri ri kona, Rito a ri ri na Xikwembu, kutani Rito a xi ri Xikwembu.*

*Kutani Rito ri hundzukile nyama, ri akile xikarhi ka hina, . . .*

<sup>31</sup> Xiyisisani, ndzi ya eku vulavuleni hi dyondzo leyi ya Bibele, ya ku, *Kreste U Paluxiwile Eritweni Ra Yena N'winyi*. Laha ndzi pfapfarhuteke xiheri lexi, a ku ri ekamareni ya mina.

Munhu un'wana loyi a rhandzekaka, a nga ha va a tshamile kwala mixo lowu . . . Ndzi na xinepe lexi hayekiweke ekamareni ya mina yo hlayela ehenhla lahay, xexo i xinepe xa Hofmann xa *Nhloko ya Kreste*, xi tsariwe eka Minkateko. Kutani kona laha u nga yaka endhawini tanihi loko u lava xiphemu xa misisi, va tshikelerilenyana eka xitsalo tanihi loko u hundza xiphemu xexo. Kwalahaya, U kwalahaya, u tshamile eRitweni ra Yena, a languta ehandle; Kreste eka Minkateko. Un'wana, hambi i mani, ndza ku khensa ha xona.

Kutani un'wana u tisile xifaniso xexo a ta xi veka ekamareni ya mina yo hlayela kona lahay, xa Eliya loko a tlhandluka

hi golonyi ya ndzilo. Ha swi khensa swilo leswi. Minkarhi yo tala, mintshungu leyikulu, ntsena a ndzi kumi nkateko wa ku vulavula ni ku vula swilo leswi, kambe ndza swi vona, boti, sesi. Ndza—ndza swi tiva, na Xikwembu xa switiva.

<sup>32</sup> Sweswi ndzi ya eku vulavuleni hi nhloko-mhaka leyi nge: *Kreste U Paluxiwire Eritweni Ra Yena N'winyi*. Hilaha, eka Minkateko, kwallahaya ku yima xifaniso xa Kreste, a yimele ehandle, tanahi sweswo. Kwalano hilaha ndzi ehleketeke hi nhloko-mhaka leyi. Sweswi, Kreste na Rito swa fana. Wa vona?

<sup>33</sup> Va ri, “Xana Bibele yona ke a yi ri njhani...?” Vanhu va vula. A ndzi khandziyile na wanuna un’wana ku nga ri khale ngopfu. U te, “Ehleketa ha swona. Hina lahawani emisaveni leyi, hi ndlela leyi hi nga xiswona, nakona hi tiva ntsena kumbe ntsena hi nga vula leswaku hi ponisiwile hi ntsheketo wa Vayuda lowu vuriwaka Bibele.”

<sup>34</sup> Ndzi ku, “Nkulukumba, a ndzi swi tivi leswaku sweswo u swi vula hikokwalaho ka yini, kambe a ndzi pfumeli leswaku i ntsheketo wa Vayuda,” ndzi vula tano.

A ku, “Kahle-kahle, wa khongela, xana u khongela eka mani? Ndzi komberile *swingere-ngere* na swilo swin’wana; a ndzi swi kumanga.”

<sup>35</sup> Ndzi ku, “U khongela hi ku hoxisa. A hi fanelanga ku khongelela ku cinca miehleketo ya Xikwembu; hi fanele hi khongela ku cinca miehleketo ya hina. Miehleketo ya Xikwembu a yi lavi ku cinciwa. Wa vona? Wa vona, hi swona.” Ndzi ku, “Ku nga ri leswi u swi khongeleleke...”

Ndzi tiva mufana lontsongo wa Mukhatholiki, nkarhi wun’wana, a ri na buku ya swikhongelo, a ri karhi a vula swikhongelo, leswaku mana wa yena a hanya. Kutani u file, nakona u hoxile buku ya swikhongelo endzilweni. Kahle-kahle, wa vona, a ndzi tirhisi buku ya swikhongelo; kambe, hi ndlela yin’wana, wa vona, u teka vonelo ro hoxeka. U le ku ringetenku byela Xikwembu leswi xi fanelaka ku swi endla.

Xikhongelo a xi fanele xi ri xa leswaku, “Hosi, ndzi cinca leswaku ndzi ringanelia Rito ra Wena.” Ku nga ri leswaku, “Cinca,” ku nga ri leswaku, “ndzi pfumeleli ndzi cinca miehleketo ya Wena. Wena cinca miehleketo ya mina.” Wa vona? “Wena cinca miehleketo ya mina hi ku rhandza ka Wena. Nakona ku rhandza ka Wena ku tsariwile laha eBukwini. Nakambe, Hosi, u nga—u nga ndzi pfumeleli ndzi famba ku kondza U kuma miehleketo ya—ya mina yi va ntsena yi tshamisisiwile tanahi miehleketo ya Wena. Kutani loko miehleketo ya mina yi tshamisisiwile tanahi ya Wena, kutani ndzi ta pfumela Rito rin’wana na rin’wana leri Wena u ri tsaleke. Nakona U te, kona kwallahaya, U ta endla ‘hinkwaswo swi tirha swin’we eka leswa kahle, eka vona lava Ku rhandzaka. Nakona ndza Ku rhandza, Hosi. Hinkwaswo swi le ku tirheni swin’we eka leswa kahle.”

<sup>36</sup> Vhiki leri a ndzi ri ehansi etikweni, ndzi tshamile na van'wana vanghana lava rhandzekaka. Ndzi vutisile van'wana va vona etafuleni, tolo, loko hi ri karhi hi dya. Hi minkarhi hinkwayo hi tshama hi ku rhendzeleka ni ku va ni swintsongo... tanahi ku dyondzanyana eBibeleni. A hi vulavula hi rirhandzu.

Kutani ku vile na munhu un'wana loyi a nga te ka mina, a ku, "Ndzi pfumela leswaku u antikreste."

<sup>37</sup> Ndzi ku, "Loko sweswo swi nga va leswi tsakisaka Hosi ya mina, sweswo hileswi ndzi lavaka ku va xiswona. Ndzi lava ku va leswi Yena a nga ta lava leswaku ndzi va xiswona. Ndza N'wi rhandza. Ni loko A nga ndzi hoxa etheleni, ndzi ta tama ndza ha N'wi rhandza, loko ndzi nga famba na moyo lowu fanaka na lowu ndzi nga na wona sweswi." U ndzi langutile hi ndlela yo ka yi nga tolrevelekanga.

Ndzi vonile mune kumbe ntlhanu wa vona kwalahaya, majaha; vasati lavantsongo, vavasati va kahle. A ndzi tiva hilaha majaha a ma rhandza vavasati va vona hakona, kutani ndzi ku ka vona, ndzi ku, "Hi leyi ndlela ya ku swi ringa. Loko nsati wa wena, loko mi nga si tekana... Sweswi, mi tlhelela endzhaku, mi ku... vutomi lebya vatekani, a wu lorha u tekile; entiyisweni a wu nga tekanga, kambe u lorhile u tekile. Kutani u phaphamile, nakona u yile u ya vulavula hi swona na ntombhi ya wena, kutani u ku, 'Wa swi tiva, ndzi lorhile hi tekanile, nakona a hi ri na vana. A hi hanya hi ku tsaka, nakona—nakona hi rindzerile ku Vuya ka Hosi, na hinkwaswo.' Nakona ntombhi leyi a yi ta ku eka wena, 'Wa vona, ndzi rhandza wanuna un'wana ku tlula leswi ndzi ku rhandzisaka xiswona. Ndzi nga ha va loyi a tsakeke ni wanuna loyi un'wana.' Xana a wu ta swi pfumela, ku suka embilwini ya wena, u n'wi rhandza ku ringanelu ku vula leswaku, 'Minkateko ya Xikwembu a yi wiseli ehenhleni ka wena, murhandziwa wa mina. Famba na wanuna loyi un'wana'?"

Sweswi, sweswi kambisisani sweswo, un'wana na un'wana wa n'wina vavanuna kumbe vavasati. Wa vona? Kunene, kutani loko rirhandzu ra wena ri lulamile, u nga swi endla sweswo, hikuva u tsakisiwa hi ntshamiseko wa yena. Yini, wa swi tiva leswaku u nga ha n'wi kuma, u nga ha hanya na yena, wena... I nsati wa wena; u ta va tano. U ta tekana na wena, kambe u ta va a nga tsakanga. A ta va loyi a tsakeke ngopfu... Kutani, loko u n'wi rhandza, kutani u n'wi lava leswaku a tsaka.

Kutani, hambi ku rhandza ka Xikwembu ku nga va kwihi, pfumelela ku rhandza ka Xikwembu ku endleka, hambi ndza tsaka hi swona kumbe a ndzi tsaki. Ndzi lava ku hanya leswaku Xi ta tsaka hileswi ndzi swi endlaka. Kutani kambisia xikongomelo xa wena—xa wena na nsusumeto wa wena ha sweswo; u ta swi tiva loko u xi rhandza Xikwembu kumbe u nga xi rhandzi.

Xana ku nga humelela yini loko Xi nga ku, “U nga ndzi tirhela loko Ndzi ya eku ku cukumeteleni ekule?”

“Ndza Ku rhandza, hambiswiritano.”

<sup>38</sup> Kutani, loko tikereke ti nga swi vona sweswo ni ku swi pfumela hi mukhuva walowo, a swi nga ta va un’wana loyi a ringetaka ku bela bolo ya milenge ekule na mutlangi loyi un’wana loko a ri karhi a tsutsuma na yona. A ta va a ri karhi a yi sirhelela. Wa vona? Loko, nsusumeto na xikongomelo swa ntiyiso wa xiviri, aku nga ri xin’wana lexi ringetaka ku vula leswaku, “Heyi, ndzi na swona *leswi* na mina! Mina, hi mina *loyi, loyi*.” Wa vona, Xikwembu a xi nge tirhisi munhu. Ku na vuencencyeti byo tala lebyi byi swi landzelaka, nakona byebyo i Sathana. Nakona vanhu a va swi lemuki. Va ringeta ku teka bolo eka un’wana loyi a nyikiweke yona. Pfumelela Xikwembu xi pfuxa ministri wo karhi kutani u hlalela leswaku i vangani lava wu salaka endzhaku. Wa vona? Wa vona?

<sup>39</sup> Sweswi, rirhandzu ra xiviri ra Xikwembu, “A swi na mhaka leswaku ndzi ni xiave muni, Hosi, loko ntsena ndzi nga vula rito eka Rona, pfuna ku Ri hlayisa, ndzi pfumeleli ku endla sweswo.” Wa vona?

Sweswo i nchumu lowu fanaka ni leswi nga swona mayelana na nsati wa wena. Loko u n’wi rhandza hi xiviri, wa vona, a hi— a hi—hi rirhandzu ra *fileyo*; i rirhandzu ra *Agapawo*, rirhandzu ra xiviri. A nga ha hanya na munhu un’wana, a tsakile; a wu tekanga sweswi, hikuva, u nga ka u nga swi koti.

<sup>40</sup> Nakambe, hi ndlela leyi, vanhu va yingisela tithepi leti. Van’wana, vo tala, va rhumela, va ku, “Hikokwalaho ka yini, eka *Vukati Na Ku Thalana*, u vule *leswi* nakona u vule *leswiya*.” Ndzi swi vurile minkarhi yo tala; tithepi leti ti famba ntsena . . . ndzi le ku vulavuleni na nhlengeletano ya mina, makwerhu. A ndzi na vutihlamuleri eka leswi Xikwembu xi ku nyikaka leswaku u swi risa; ndzi na vutihlamuleri bya leswaku i muxaka wihi wa Swakudya leswi ndzi swi nyikaka vanhu lava. Leswi i swa tabernakele leyi ntsena. Wa vona? Sweswi, loko vanhu va lava ku yingisela tithepi, sweswo swi le ka vona. Kambe ndzi vulavula na lava Xikwembu xi nga ndzi nyika vona. A ku ri swidyoho swa vona leswi nga suriwa.

Un’wana u tsarile, a ku, “Kunene, ndzi endlile *leswi* ni ku endla *leswiyan*. U vule leswaku swidyoho swa hina . . .” A—a ndzi swi vulanga sweswo.

Ndzi te, “Swi langutisi xi leswi; leswi i swa vanhu lava nga lahwani ntsena, vanhu lava nga lahwani eka tabernakele, ntlhambi wa mina.” Sweswi, loko vanhu va lava ku pfanganyisa swakudya na swin’wana ehandle lahaya, u—u kuma nhlavutelo wo huma eka Xikwembu kutani u endla leswi Xikwembu xi ku byelaka ku endla swona. Ndzi ta endla leswi fanaka. Kambe Mahungu lawa i ya kerekere leyi.

<sup>41</sup> Xiyisisani sweswi, hi vuyela endzhaku, hi fanele ku va na nchumu wun'wana lowu hi nga ta khomelela eka wona. Xin'wana xi fanele ku va mukhungu, hi marito man'wana, i xilo xo hetelela. Nakona un'wana na un'wana u fanele ku va na mahetelelo kumbe xo hetiseka. Ndzi chumayerile hi swona nkarhi wun'wana, malembe lawa ya nga hundza, eka ku hetiseka, ndhawu leyi nga rito ro hetelela.

<sup>42</sup> Kukotisa n'watimpempe entlangwini wa bolo, loko a ku yi rahi, sweswo ntsena hileswi swi nga xiswona. Swi nga ri na mhaka leswaku u swi vonise ku yini, n'watimpempe a ku yi rahi. U ku, "Ndzi—ndzi—ndzi... A ku nga ri ku raha. Yi yile... ndzi yi vonile..." Hambi ku nga va yini, loko a ku, "raha," swi tano, sweswo swi tshamisekisa sweswo ntsena. Yena, hi yena mahetelelo.

<sup>43</sup> Nakona rivoni ra le magondzweni hi rona mahetelelo, loko ri ku, "famba." U ri, "Kunene, mina, ndzi jahile, ndzi na..." Ee, ee. Ri vula leswaku, "U yimisa xisweswo loko nakulorhi a hundza." Wa bona? Hi rona mahetelelo.

<sup>44</sup> Sweswi, ku fanele ku va na mahetelelo eka hinkwaswo leswi u swi endlaka. A ku fanele ku va na mahetelelo loko u hlawula nsati wa wena. A ku fanele ku va na wansati loyi a wu fanele ku n'wi hlawula.

<sup>45</sup> Sweswi, ku fanele ku va na nkarhi laha, loko u ya eku xaveni ka movha, hi wihi muxaka wa mahetelelo lowu u nga ta wu endla. Xana ku ta va Ford, Chevy, Plymouth, movha wumbe, hambi wu nga va wihi, u ta fanelia ku va na mahetelelo.

Nakona swi tano hi ku hanya Xikreste. Ku fanele ku va na mahetelelo.

<sup>46</sup> Sweswi, loko wanuna a ku, u yile eka wanuna un'wana kutani a ku...ndzi twile un'wana a ku, "Kunene, u fanele ku khuvuriwa," nakona nakulorhi loyi a nga kalanga a... Kumbexani, ya yena, kereke yin'wana leyi nga khuvuriki, vo haxa kunene. Ndza ehleketa, a hi nge xikombiso, Methodist, va khuvula loko swi komberiwile, ndza swi twisisa. Kumbexani ma... Khatholiki, ndzi ehleketa leswaku vo haxa ntsena. Kutani loko—loko wanuna a twile nchumu wo karhi mayelana na ku "petiwa ematini," kunene, a nga swi twisisanga sweswo; u kurisiwile Xikhatholiki. Kutani a ya eka muprista, a fika a ku, "Fada, ndzi twisia leswaku hi fanele ku khuvuriwa hi ku petiwa. Xana kereke ya hina yi ri yini hi sweswo?"

<sup>47</sup> "Hikokwalaho ka yini, yi vula leswaku—leswaku hi fanele ku haxiwa." Loko kereke yaleyo yi ri mahetelelo eka yena, sweswo swa swi tshamisekisa. Madzolonga hinkwawo ya herile; kereke yi vule tano, nakona sweswo hi swona hinkwaswo.

<sup>48</sup> Xana loko... loko makwerhu wa Mubaptist a hi twile loko hi ku hi pfumela eka ku khuvuriwa hi ku "petiwa"? A nga ku, "Ndza swi pfumela sweswo."

“Nakona hi Vito ra ‘Yesu Kreste.’”

Sweswi, xirho lexi—lexi xa kereke xi vuyela endzhaku eka mufundhisi kutani xi ku, “Mufundhisi, ndzi twile nakulorhi un’wana a ndzi byela leswaku hi fanele ku khuvuriwa hi ku petiwa, hi swona, kambe hi Vito ra ‘Yesu Kreste.’”

<sup>49</sup> “Kunene,” a nga ku, “sweswi, a hi voni. Hikokwalaho ka yini, lahawani buku yi vula leswaku hi fanele ku khuvuriwa hi ku tirhisa ‘Tatana, N’wana, Moya lowo Kwetsima.’” Loko kereke yaleyo yi ri ku hetiseka, sweswo swa swi tshamisekisa. A nga na mhaka leswaku swin’wana swi ri yini; sweswo hi swona mahetelolo ya yena.

<sup>50</sup> Kunene, denomination yin’wana na yin’wana hi yona mahetelolo eka vapfumeri va yona.

Kambe, eka mina, ni le ka lava ndzi tshembhaka leswaku ndzi le ku va yiseni eka Kreste, nakona hi Kreste, Bibele i mahetelolo ya hina. A swi na mhaka . . . Hikuva, Xikwembu xi te, “Pfumelela rito ra munhu un’wana na un’wana ri va vunwa, kutani ra Mina ri va Ntiyiso.” Nakona ndzi pfumela leswaku Bibele i mahetelolo ya Xikwembu. A swi na mhaka leswaku un’wana ni un’wana u ri yini; hi Yona mahetelolo.

Bibele a hi buku ya mafambiselo. Ee, nkulukumba. A hi buku ya mafambiselo, kumbe ndlela ya matikhomelo. Bibele a hi buku ya mafambiselo, ku na mafambiselo yo tala, na swin’wana na swin’wana. Ee, nkulukumba. A hi buku ya matikhomelo. Ee, nkulukumba. A hi yona. Nakona a Yi buku ya matimu, hinkwayo ka yona. Kumbe, kumbe Yi va buku ya ntivo-vukwembu. Hikuva, hi Yona nhlavutelo wa Yesu Kreste.

Sweswi loko mi nga tsakela ku swi hlaya sweswo, n’wina mi nga na maphepha ma n’wina, mi swi tsalaka ehansi, swi le ka Nhlavutelo 1:1 ku fika eka 3, tanihlo loko, Bibele yi ri “Nhlavutelo wa Yesu Kreste.”

<sup>51</sup> A hi yi hlayeni ntsena loko hi ri na nkarhi. Ndza pfumela leswaku . . . a ndzi na tinotsi to tala laha to vulavula eka tona. Loko Hosi yi hlwela, hikokwalaho ka yini, hi ta ringeta ku kuma swin’wana eka tona.

*Ku Hlavutela ka Yesu Kreste, loku a ku nyikiweke hi Xikwembu, a ta tivisa malanza ya yena timhaka leti fanelaka ku humelela ku nga ri khale; leti a ti rhumeleke ni ku ti tiyisia hi ntsumi ya yena eka Yohana nandza wa yena:*

*La nga tiyisa Rito ra Xikwembu, ni . . . vumbhoni bya Yesu Kreste, swi nga hinkwaswo leswi a swi voneke.*

*Ku katekile la hlayaka, ni lava yingisaka timhaka ta vuprofeta lebyi, lava hlayisaka leswi tsariweke kona: hikuva nkarhi wu kusuhi.*

<sup>52</sup> Swingaleswi, Bibebe i ku hetiseka ka nhlavutelo wa Yesu Kreste. Nakona Yi tsariwile hi vaprofeta. Vaheveru 1:1, eka... “Xikwembu, Lexi xi vulavuleke khale na vatatana hi minkarhi leyo tala hi vaprofeta, kambe sweswi hi masiku lawa ya makumu xi vulavula na hina hi N’wana wa Xona, Yesu Kreste,” loyi a ri vaprofeta, hinkwavo ka vona, va katsiwa kun’we. Yesu a ri Malakiya; Yesu a ri Yeremiya, Esaya, Eliya. Hinkwaswo leswi a va ri xiswona, a swi ri eka Yena. Ni hinkwaswo leswi mi nga xiswona, ni leswi mina ndzi nga xiswona, swi le ka Yena; Marito, timbhoni ta Rito.

Kutani a Yi buku ya mafambiselo, ndlela ya matikhomelo lamanene, nakona a hi Yona buku ya matimu, kumbe buku ya ntivo-vukwembu. A hi Yona. Kambe hi Yona nhlavutelo wa Yesu Kreste, Xikwembu hi Xoxe xi tipaluxile, kusuka eRitweni ku ya enyameni. Sweswo hileswi Yi nga xiswona. Bibebe i Rito, nakona Xikwembu i nyama, Xikwembu eka... Xikwembu i Rito, kumbexani, kutani Yesu a va enyameni. I nhlavutelo, hilaha Xikwembu (lexi nga Rito) xi ti vonakariseke hakona enyameni ya ximunhu, na ku va xi tipaluxa eka hina. Kutani sweswo hi swona swi endleke A va N’wana wa Xikwembu; U xiphemu xa Xikwembu. Ma swi twisisa xana? Sweswi, A nga tano... Miri i xiphemu xa Xikwembu, swingaleswi hi yena N’wana.

<sup>53</sup> N’wana, tanahi laha Khatholiki yi swi vekaka hakona, “N’wana la nga Heriki,” na hinkwato tikereke; rito a ri twisiseki hambi ku ri ku twisiseka. Wa vona? Ku nga ka ku nga vi hilaha ku nga Heriki, ku tlhela ku va N’wana, hikuva *N’wana* i nchumuhilowu “tswariweke kun’wana.” Nakona rito hilaha ku nga Heriki, A nga ka a nga vi loyi a nga Heri-... A nga ha va N’wana, kambe A nga ka a nga vi N’wana hilaha ku nga Heriki. Ee, nkulukumba. A ngevi N’wana hilaha ku nga Heriki.

<sup>54</sup> Sweswi, kambe hi Yena N’wana, swonghasi, leswaku Rito hinkwaro leri a ri ri eka Yeremiya, eka Muxé, ni hinkwawo Marito lawaya, tanahi loko A te, “Ya vulavule hi Mina.” Hinkwawo ntiyisiso wolowo wa nhlavutelo ya Vukwembu ya Rito a wu boheleriwile endzeni ka miri wun’we wa munhu, kutani Xikwembu xi Wu phutsela hi nyama. Hikokwalaho A vitaniweke “N’wana,” xivangelo xo va A kongomisa, “Tatana.” Hikokwalaho ka yini, swi olovile ntsena hi ndlela yaley, loko ntsena u pfumelela Xikwembu xi swi chululela ehansi emiehlekeweni ya wena. Wa vona? Xikwembu xi paluxiwile emirini wa nyama, xiyisisani, xi paluxiwile ku suka enyameni... kumbe ku suka eRitweni ku ya enyameni. Sweswo i Mukwetsimi Yohana 1:14, “Kutani Rito ri endliwile nyama, ri akile xikarhi ka hina.”

<sup>55</sup> Sweswi xiyisisani Bibebe leyi. Van’wana va vona va ku, “Oho, hi swona, Yi endlile leswi, Yi endlile leswiya.” Kambe mi nge ndzi mi byela swin’wana, ntsena a hi...

A hi yeni endzeni ka matimu ya Bibebe, xinkadyana, hi vona laha Yi humaka kona. Yi tsariwile hi makume mune wa vatsari vo hambanana. Makume mune wa vavanuna va tsarile Bibebe, ehenhla ka nkarhi wa khume ntsevu wa madzana ya malembe hi ku siyana, nakona hi minkarhi leyi hambaneke, yi ri karhi yi vhumba timhangu ta nkoka swinene leti ti nga tshama ti humeleta eka matimu ya misava, nakambe, minkarhi yo tala, madzana ya malembe swi nga si humeleta. Nakona a ku vanga na ku hoxisa na kun'we eka hinkwato Tibuku ta makume ntsevu-ntsevu. Oho, mina! A ku na mutsari handle ka Xikwembu hi Xoxe xi nga va ni ku koxometa. Ku hava na Rito na rin'we leri kanetaka rin'wana.

Tsundzukani, khume ntsevu wa madzana wa malembe hi ku siyana, Bibebe yi tsariwile, ku suka eka Muxe ku ya—ku ya eka rifu ra—ra Yohana exihlaleni, kumbe eXihlaleni xa Patmos. Khume ntsevu wa madzana ya malembe, nakona yi tsariwile hi makume mune wa vatsari vo hambana; un'wana a nga kalanga a tiva lowun'wana, nakambe a va kalanga vava na Rona tanihi “Rito.” Van'wana va vona a va kalanga va ri vona “Rito.” Kambe loko va Ri tsala, ni ku va swi twisisekile ku va va ri vaprefeta, kwalaho, loko va veke vuprefeta bya vona kun'we, un'wana ni un'wana wa vona a hlangana kahle ni lowun'wana.

<sup>56</sup> Langutani Petro, loyi a vikeke hi Siku ra Pentekosta leswaku, “Hundzukani, un'wana na un'wana wa n'wina, a khuvuriwa hi Vito ra Yesu Kreste eku khomeriweni ka swidyo swa n'wina.”

Paul a nga kalanga a twa nchumu hi Rona. U yile ehansi eArabia ku ringana malembe manharhu, ku ya dyondza hi Testamente ya Khale, ku ya vona leswaku A ri mani Langavi ra Ndzilo loyi a vulavuleke na yena endleleni, ri ku, “Saul, u Ndzi xanisela yini?” Xana a nga va loyi a hoxeke hi ndlela yih? A nga kalanga a tihanganisa na kereke na swintsongo.

Kutani endzhaku ka khume mune wa malembe, loko a ta hlangana na Petro, a va chumayela nchumu lowu fanaka, Rito hi Rito. Yaleyo i Bibebe ya hina. Pfumelelani marito ya vanhu van'wana ya hluleka. *Leyi*, ku hava na munhu loyi a nga engetelaka eka Yona. A wu engeteli swin'wana eBibeleni. Ee, nkulukumba. Leyi hi yona Nhlavutelo lowu heleleke. Wu hinkwaswo.

<sup>57</sup> Kukotisa Swilemo swa Nkombo. “Swilemo swa Nkombo,” un'wana a tshamela ku ndzi byela leswaku, “sweswi u ta... Hosi yi ta vulavula na wena, Makwerhu Branham, loko Swilemo leswi swi ta va swi paluxiwile, nakona swi hi byela hilaha hi nga tshirelaka Xikwembu hakona, ni hilaha swi endlisiwaka xiswona.”

<sup>58</sup> Ndzi ku, “Ee, nkulukumba, a swi nge vi tano. Hikuva, Bibebe, Swilemo swa Nkombo leswi swi nga eka Yona a swi ri

na swihundla swa nkombo leswi fihliweke. A ku ri khale swi tsariwile, kambe a va swi twisisanga leswaku a Swi ri yini."

Langutani hilaha va rimeke ku xaxamela na sweswo, ku va va khuvuriwa hi Vito ra "Yesu;" wa vona, sweswo a swi nga ri swona. Hi Vito ra "Hosi Yesu Kreste"! Ma swi vona swilo sweswo hinkwaswo, hilaha a swi ri xiswona. Hikuva, ku na va Yesu vo tala; ndzi na vanghana vo hlaya laha misaveni lava thyiweke "Yesu," vanghana va tiministara. A hi yena yaloye. I "Hosi Yesu Kreste" wa hina.

Ku hava mutsari un'wana handle ka Xikwembu ku nga xona lexi lulameke. Sweswi a hi voneni hilaha Bibele leyi yi tsariweke hakona.

<sup>59</sup> Sweswi, hi xikombiso, ku suka... Xana loko hi nga ya hi ya teka makume ntsevu-ntsevu wa tibuku ta vutshunguri leti langutanaka na miri, leti tsariweke hi khume mune wa swikolo swa vutshunguri leswi hambaneke, dzana na khume ntsevu... kumbe khume ntsevu wa madzana ya malembe hi ku siyana? Ndza tivutisa leswaku i muxaka muni wa ku yisa emahlwени lowu hi nga wu kumaka?

Loko, George Washington, presidente wa hina, kwalomu ka madzana mambirhi wa malembe lawa hundzeke, hi nyumoniya, va kokerile n'wala wa xikunwani xa yena ehandle ni ku n'wi humesa ngati yo ringana payindhi. A ku ta humeleta yini loko a hi lo teka...

<sup>60</sup> A hi yeni emahlweni swintsongo, eka swin'wana swa swilo leswi hi kokaku rinoko masiku lawa, leswi nga sayense. Xana ku nga humeleta yini loko hi nga teka makume mune wa vutivi bya sayense, ku suka eka khume ntsevu wa malembe hi ku siyana, kutani hi vona leswaku hi ta huma na yini? Mutivi wa sayense wa Mufurwa, madzana manharhu wa malembe lawa nga hundza, u khorwisile hi sayense, hi ku khunguluxa bolo, leswaku, loko rivilo rin'wana na rin'wana lerikulu ri nga fikelelaka ehenhla ka makume nharhu wa timayili hi awara, nchumu wu nga suka emisaveni wu ya wela kun'wana. Xana u ehleketa leswaku sayense yi nga kongomisela endzhaku eka sweswo? Xana ka ha ri na ku yisa emahlweni eka sweswo sweswi, loko va chayela ku rhelela hi xitarata, epatwini lahwani, dzana na makume ntlhanu wa timayili hi awara? Wa vona? Kambe u swi khorwisile hi xi sayense, hi ntshikelelo wa bolo loko yi khunguluka ku tsemakanya rivala, leswaku eka makume nharhu wa timayili hi awara, leswaku, nchumu wun'wana na wun'wana wu nga tlakuka wu suka emisaveni kutani wu ya ekule, wu nga ya wela empfhukeni. Ee, ku ha va ku yisa emahlweni eka sweswo.

<sup>61</sup> Kambe a ku na Rito na rin'we eBibeleni leri kanetaka rin'wana. Ku hava na muprofeta na un'we loyi a kanetaneke na un'wana. A va ri tano, un'wana na un'wana, hi ku hetiseka. Nakona loko un'wana a nghena kutani a profeta, nakambe

muprofeta lowa xiviri a pfuxiwile ni ku vitaniwa, kutani a swi humelerisiwa. Wa vona? Wa vona? Kutani Bibebe i Rito ra Xikwembu, eka hinkwavo vapfumeri va ntiyiso.

<sup>62</sup> Sweswi, a wu nga ta kuma nkoxometo eka leswi madokodela va nga pfumelelanaka eka swona. U nga ka u nga kumi nkoxometo eka vona sweswi. U nga ka u nga kumi nkoxometo eka sayense sweswi.

Sweswi, ma swi tiva, nkarhi wun'wana lowu hundzeke, va hi byerile leswaku...leswaku, "Loko Bibebe yi ku 'u vonile Tintsumi ta mune ti yimile etiyinhleni ta mune ta misava,' leswaku sweswo a swi nga ta koteka. Misava i ya xirhendzevutani." Kambe Bibebe yi te, "tiyinhla ta mune." Kunene, sweswi mi swi vonile, mavhiki mambirhi lama nga hundza, kumbe mavhiki manharhu lama nga hundza, swi vile kona sweswi, maphepha ya hlaisile atikili leyi, va kumile leswaku misava yi ni matlhelo ya mune lawa ya ringanaka. I vangani lava va nga swi vona sweswo? Hikokwalaho ka yini, hakunene. Wa vona? Ndzi na swona ndzi swi kopile hinkwaswo, ntsena ndzi yimele leswaku un'wana a vula swin'wana.

<sup>63</sup> Nakona va ta swi kumisia, siku rin'wana, leswaku a va le ku voneni ka dzana na makume ntlhanu wa mamiliyon i wa malembe ya layiti empfhukeni. Va le ku fambeni kahle hi ku rhendzeleka ka xirhendzevutani. Sweswo hi swona.

Mi ya eku swi kumeni, rin'wana ra masiku lawa, leswaku loko mi ya eTilweni, a mi hahi mi suka kun'wana. U va wa ha ri kwala, nakona, ntsena eka xivandla xin'wana xa ximoya xo hatlisa ku tlula lexi.

Ku hundza hi kamara leyi ku ta muhlovo. Muhlovo wun'wana na wun'wana, hembhe, rhoko, xihi kumbe xihi lexi u xi ambaleke, xi hilaha ku nga Heriki, xi andlaleka eka nkandziyiso, xi famba hi ku rhendzeleka ni ku rhendzeleka hi misava. Nkarhi hinkwawo loko u copetisa matihlo ya wena, swi le ka nkandziyiso. Langutisani, televhixini yi ta swi khorwisa sweswo.

<sup>64</sup> Loko u tswariwa, Xikwembu xi vekela nkandziyiso. A swi endl...Xi pfulela nkandziyiso, a wu bi huwa yo tala nkarhi wo leha, ma swi tiva. Yaloye i n'wana lontsongo, ku fikela laha a vaku na vutihlamuleri; kutani huwa yi sungula, a sungula ku vula swilo ni ku endla swilo leswi a nga ta tihlamulela eka swona. Kutani loko vutomi byebyo byi hela, nkandziyiso wolowo kumbe thepi ya susiwa ni ku vekiwa endzeni ka—endzeni ka layibrari leyikulu ya Xikwembu. Sweswi, xana u ta hundzisa ku yini hi wona eka Xitshamo xo Avanyisa? Wu tlhela wu tlangiwa emahlweni ka wena, migingiriko hinkwayo leyi u yi endleke, mianakanyo hinkwayo leyi teke emiehlekeweni ya wena. Wa swi vona sweswo xana? Sweswi xana wa ku vona laha Xikwembu...

<sup>65</sup> Ku yima lahwani, vusiku byin'wana, a ku ri na wanuna eka platifomo, wo leha, wanuna wa mpandlha, nakulorhi wo languteka a xongile hi xiviri, wo tiya. Nakona u yile ehandle... Hosi yi n'wi byerile swilo swo tala mayelana ni ndyangu wa yena ni leswi a fanele ku swi endla. Kutani u humile a ya tshama ehansi. Eka timinetse tintsongo, hiloko ku ta wanuna un'wana emahlweni ka mina wo kotisa luya, kambe a korhamisile nhloko ya yena ehansi. A ndzi nga swi koti ku kuma nchumu, nakona ndzi langutile wanuna loyi nakambe kwalahaya; nakona a nga... A ku nga ri yena, hikuva a ku ri nchumu wun'wana. Nakambe wanuna loyi, a ndzi nga koti ku swi kuma. Ndzi langutile hinkwako, a ku ri hava na munhu endzhaku, ka mina. Ndzi ku, "Wanuna u tshamile endzeni ka makhetenisi lahaya." Nakona a ku ri wa hina...makwerhu loyi a taka ekerekeni kwala, wo leha, wa nhloko ya mpandlha, nakulorhi wo saseka a tshamile ehenhla lahaya kukotisa sweswo. Nakambe a korhamisile nhloko ya yena, a ri ku khongeleni, hikuva a ri kusuhi no fa hi swivavi swa le khwirini.

A ya eku kumeni ka pherhe ya tintanghu. Nsati wa yena a lava leswaku a kuma pherhe yintshwa ya tintanghu. A ku, "Ee, a swi kali swi lava leswaku ndzi yi kuma, hikuva a ndzi nge hanyi ku fikela laha ndzi ti ambalaka."

A ri eku feni. Kutani a tshamile lahaya, ma swi vona, exivandleni xexo xa ximoya, haleluya, Xikwembu xi yile ntsena ehenhla lahaya kutani xi ku, "U tshamile lahaya," ntsena ndhawu laha a ri kona. Ma swi vona leswi ndzi swi vulaka?

<sup>66</sup> Sweswi xiyisisani, nakona ku hava xihoxo na xin'we eMatsalweni. Yesu, a nga Rito ra Xikwembu, u lemuka mianakanyo leyi nga embilwini. "Rito ra Xikwembu ra hanya, ra kariha," Vaheveru 4:12. "Rito ra Xikwembu ra kariha, ri na matimba swinene ku tlula tlharhi leri nga ni vukarhi hi matlhelo mambirhi, kambe hi rona muvonisisi wa mianakanyo ni makungu ya miehleketo." Wa vona? Ri ya ehansi ka miehleketo, ri kokela ehandle, ni ku vonisisa. Xana i yini ku *vonisisa*? "Ku tivisa, ku paluxa." Nakona sweswo hileswi Rito ra Xikwembu ri swi endlaka.

Namuntlha hi ri, "Kereke ya Khatholiki i Rito ra Xikwembu; Mabaptist, Mamethodist, Mapentekostal, tabernakele." Sweswo swi hoxekile. Rito i nhlavutelo; Xikwembu, xi tipaluxile hi Rito.

<sup>67</sup> Ee, a hi ta va hi kume...ku kuma ku yisa emahlweni kun'wana ni kun'wana exikarhi ka vutshunguri, exikarhi ka vativi va sayense, vo hambanana.

Loko ngi Einstein a vile ni matirhelo ya ximoya, tanahi loko a vile na-na matirhele ya xinyama, kukotisa loko a dyondza hi milawu ya layiti, na swin'wana na swin'wana, a ta va a hi byerile swin'wana. Loko ndzi ta va ndzi twile hungu ra yena hi le xikarhi lexikulu kun'wana eswibakabakeni, leswaku, "Loko

u nga tshuka u khumbhile xikarhi xexo, u nga ha tumbuluxa misava, u endla xin'wana na xin'wana, nakona matimba ma kona ma tava lama nga riki na mpimo." Wa vona? U swi vonile sweswo.

<sup>68</sup> Ma swi vona swikhwama leswintsongo leswi fambaka emoyeni, va swi vitana "swi phambati," ni swin'wana. Vanhu va... Sweswo, kunene, swa antsxa hi swi tshikisa xisweswo swi ri swoxe. "U twa hi ta vanhu hinkwavo lava nyamalalaka?" mi vula tano. U nga twi hi vona; va yimile lahaya, nakona a va kona kwalahaya.

Hi yona ndlela leyi ku Vutliwa ku nga ta endlekissa xiswona. Un'we wa vona u ta wela ehansi, kutani miri lowu wa le misaveni wu ta teka xivumbeko xa miri wa tilo. Nakona va ta va... va tumberile, misisi, kumbe marhambu ya sele; swi ta cinciwia hi xinkadyana, wu wela ehandle empfhukeni na ku kongoma eKaya. Ha swi vona hinkwaswo leswi swi humeleslaka sweswi, na yona—na yona Pentagon yi le ku hlamatleni hi mayelana na mavoni lawa, na mavoni yo ka ya nga tolavelekangi, na hinkwaswo leswi va swi vonaka e—e mpfhukeni. Mi swi vonile a ku ri na rin'we laha ephepheni eJeffersonville vhiki leri, na swin'wana na swin'wana, "rivoni leri nga tolavelekangiki." Swingaleswi, oho, a va swi tivi leswaku i yini sweswo. Kambe yingiseleni, vana lavantsongo, Ri ta mi tlakula, rin'wana ra masiku lawa. Wa vona? Wa vona? U nga vileli.

Tsundzukani, Yesu u te, "Tanihi laha a swi ri hakona emasikwini ya Sodoma."

<sup>69</sup> Xana ku humelele yini loko Sodoma ri nga se fika? Xikwembu xi xikele ehansi na Tintsumi tin'wana, nakona Ti vile na ndzavisiso wo avanyisa. Xi ku, "Ndzi twile xirilo, leswaku ri na vudyoho lebyikulu, ku tlurisa, kutani Ndzi xikerile ehansi ku ta kambela loko hinkwaswo swi ri ntiyiso kumbe swi nga ri tano." Hi swona? Langutani loyi Un'we loyi a saleke na Abraham, a kota ku vonisisa mianakanyo leyi a yi ri embilwini ya Sarah, endzhaku ka Yena.

Sweswi, mi languta hi ku rhendzeleka ntsena swintsongo kutani xiyisisani, wa vona, langutani leswi Xi swi endlaki, nchumu lowu fanaka namuntlha. I ndzavisiso wa ku avanyisa.

Hikokwalaho ka yini, endzhakunyana, Kereke, loko Yi nga tshama endhawini yaleyo, nakona mbewu yin'wana na yin'wana yi tisiwile endhawini ya yona, va ta va va fambile. A va nge tivi lexi humeleleke eka vona. Un'wana u ta teka ndlela yin'wana. Wa vona? Un'wana u ta ya endlwini ya mufundhisi, nakambe un'wana u ta va a ya *lahawani*, kumbe ehansi *lahaya*, nakona, kutani nchumu wo sungula lowu mi wu tivaka, a va kona lahaya. Hikuva Enoko loyi a ri xifananiso, "Xikwembu xi n'wi tekile, nakona a nga ha kumekanga." Xi tile ehansi ku ta lavisia! Ku

yisa emahlweni, hilaha ku ncinciwa ka Enoko, i xifananiso xa Israel loko ri rhwariwile endzeni ka ngalava . . .

<sup>70</sup> Swi hetisekile, Rito ra Xikwembu ri hetisekile, hambi eka Testamente ya Khale na Leyintshwa, i tihafu timbirhi na ku helela kun'we. Sweswo hi swona. Testamente ya Khale i hafu ya Yona, na Testamente Leyintshwa i hafu ya Yona; Ti veki kun'we, u ta kuma nhlavutelo lowu heleleke wa Yesu Kreste. Lahaya i vaprofeta va vulavulaka, nakona lahawani hi Yena a ri endzeni ka Munhu; wa vona, tihafu timbirhi na ku helela kun'we. Sweswi a hi lavi ku teka swo tala . . .

<sup>71</sup> Sweswi, tsundzukani, Testamente ya Khale a yi helelangi ehandle ka Leyintshwa. Na Leyintshwa a yi nga ta helela ehandle ka leya Khale. Hi xona xivangelo ndzi nge i tihafu timbirhi, ku helela kun'we. Hikuva, vaprofeta va te, "U ta va kona lahawani! U ta va kona lahawani! U ta va kona lahawani; va ta N'wi endla *leswi*. Va ta N'wi endla *leswi!*" Nakona U kona kwala, "A ri kona kwala! A ri kona kwala, nakona va N'wi endlile *leswi*, nakona va N'wi endlile *leswi*." Ndza ha ku chumayela hi sweswo madyambu mantsongo lama nga hundza.

<sup>72</sup> Sweswi, hi ku endlela ku dyondza Matsalwa, Paul u byerile Timotiya leswaku, "U Ri dyondza, u ava Rito ra Xikwembu hi ku lulama, leri nga Ntiyiso."

Ku na swileriso swinharhu eMatsalweni. Hi ku tirhisa Rito ra Xikwembu, lahawani ku na swilo swinharhu leswi u nga fanelangiki ku swi endla. Sweswi a hi dyondzeni hi swona eka khume ra timinetse leti landzelaka; swilo swinharhu leswi u nga fanelangiki ku swi endla. Nakona hinkwenu ehandle etikweni, kwihi kumbe kwihi laha mi nga kona, ku tsemakanya tiko, vanani na ntiyiso wa leswaku ma swi nghenisa leswi emiehlekeweni ya n'wina loko mi ri hava tipenisele. A mi fanelangi ku endla swilo leswi. Ha mi byela hi minkarhi hinkwayo hilaha mi faneleke ku endla hakona, sweswi ndzi ya eku mi byeleni ka leswi mi nga fanelangiki ku swi endla.

<sup>73</sup> Sweswi, a mi fanelangi ku *nyika ku toloka ko hoxeka* ka Rito. Mi ri, "Kunene, ndzi pfumela leswaku Ri vula *leswi*." Ri vula ntsena leswi Ri swi vulaka. A Ri lavi mutoloki. Nakona a mi fanelanga ku *veka* Rito *endhawini yo hoxeka*. Nakambe a mi fanelanga ku *susa* Rito *ematshan'wini ya rona*. Kutani loko hi nga endla xin'we xa leswi, swi hoxa Bibele hinkwayo eka ku hlanganana na mpfilumpfilu.

<sup>74</sup> Xiyisisani. Ku nyika ku toloka ko hoxeka ha Yesu, hi xivumbeko xa Xikwembu eka munhu, mi nga ha N'wi endla—mi nga ha N'wi endla Xikwembu xin'we lexi humaka eka swinharhu. Ku nyika ku toloka ko hoxeka ha Yesu Kreste a ri Rito, mi nga ha N'wi endla Xikwembu xin'we ehandle ka swinharhu, kumbe mi N'wi endla Munhu wa vumbirhi eka vukwembu bya Xikwembu. Nakona hi ku endla sweswo, mi ta

onha Matsalwa hinkwawo. Mi nga ka mi ngayi helo. Kutani a Ri fanelangi ku tolokiwa hi ku hoxisa.

<sup>75</sup> Nakambe loko u vula leswaku nchumu wo karhi, u nyika ku toloka eka Rona, nakona u Ri tirhisa eka nkarhi wun'wana; kumbe Ri tirhisiwile eka nkarhi wun'wana, nakona wa ha endla ku toloka loku hoxekeke.

<sup>76</sup> Loko munhu wihi kumbe wihi a nyika ku toloka ko hoxeka ha Yesu Kreste eBibeleni, ka ku va a nga ri Xikwembu hi Xoxe, a N'wi endla Munhu wa vumbirhi, kumbe Xikwembu xin'we lexi humaka ka swinharhu, leswi swi nga ha khunguvanyisa Rito rin'wana ni rin'wana eka Bibebe hinkwayo. Swi nga ha tshova nawu wo rhanga, "U nga tshuki u va ni swikwembu swin'wani emahlweni ka Mina." Hi swona. Swi nga ha endla rixaka hinkwaro ra Xikreste ku va ntlawa wa vukhongeri va mahedeni lava gandzelaka swikwembu swinharhu swo hambana. Xana ma wu vona muxaka wa Bibebe leyi mi nga vaka na yona? Kutani swi nga ha hi endla hi va leswi Vayuda va nge hi swona. Va te, "Hi xihi eka swikwembu leswi xi nga Xikwembu xa n'wina?" Wa vona? Swingaleswi, wa swi vona, mi nga ka . . . A mi fanelanga ku nyika ku toloka ko hoxeka hi Bibebe.

Hikuva, Yesu hi Yexe hi yena mutoloki wa Bibebe, loko a ta va Yena a ti vonakarisile eka nguva leyi xirho xa Miri wa Yena xi nga eku vonakarisiweni. Loko ku ri nguva ya voko, ku fanele ku va voko; ku nga ka ku nga vi nguva ya nhloko. Loko ku ri nguva ya rito, kunene, kutani, ku nga ka ku nga vi nguva ya nkondzo. Wa vona? Nakona sweswi hi le ka nguva ya tihlo. Kutani sweswi leyi landzelaka, hi Yena hi Yexe, leswaku a vuya. Hi ku vona; vuprofeta!

<sup>77</sup> Ma swi vona, ehansi ku rhelela hi nguva, hi sungule emasunguleni, kusuka eka nguva yo rhanga ya kereke; loko Mbewu yi nghena emisaveni, Mbewu leyi heleleke. Kutani yi humile hi nkondzo, Luther; yi humile yi vuyela endzhaku hi Wesley; kutani ku ya eka Mapentekostal, ku nga tindzimi, emilon'weni, wa vona; sweswi yi le matihlweni, eka vuprofeta, bya Malakiya 4, na ku yisa emahlweni. Kutani sweswi a ku salanga nchumu xa swona ku va swi ta handle ka ku va Yena hi Yexe a kandziya eka sweswo, hikuva hi wona nchumu wo hetelela lowu nga kona.

Leswi landzelaka i vutlharhi, nakona hi hava vutlharhi bya hina vinyi; i bya Yena. A hi na ku vona ka hina vinyi. Xana munhu a nga swi kotisa ku yini ku vonela swilo leswi emahlweni? A nga ka a nga swi endli. I Xikwembu hi Xoxe. Wa vona, swi—swi ta endhawini. Nakona Xi lawurile miri endleleni hinkwayo, kutani Miri wa Kreste lowu hetisekeke wu paluxiwihi xivumbeko xa Mutekiwa loyi a humesiweke etsheveni ra Yena, kukotisa leswi endliweke hi Adam emasunguleni . . . kukotisa leswi Adam a ri xiswona, kumbexani, emasunguleni.

<sup>78</sup> Ina, “xikwembunyana,” leswi swi nga ha veka Bibele hinkwayo eka ku hlanganana, swi tshova nawu wo rhanga, ni ku endla xikwembunyana, xikwembu xa hava xa swinharhu. Ntsena swi nga—swi nga ha onha xifaniso hinkwaxo xa Bibele. Kutani a wu fanelanga ku toloka Bibele hi ku hoxeka. Sweswi, sweswo kova nchumu wun’we ntsena.

<sup>79</sup> Loko, Tsalwa rin’wana na rin’wana eBibeleni ri na ntirho lowu fanaka, u ta fanele ku Ri veka endhawini ya Rona. Nakona ku Ri veka endhawini yo hoxeka, u nga ha Xi endla Xikwembu eka nguva yin’wana, nakona—nakona nguva leyi landzelaka u nga ha Xi endla matimu, ku Ri veka endhawini yo hoxeka. Swingaleswi a mi fanelanga ku veka Tsalwa endhawini yo hoxeka. Hi Xona Xikwembu nkarhi hinkwawo. Loko u Xi endlile Xikwembu xa matimu namuntlha, xana i yini lexi a xi ri endzhaku lahaya, nakona a Xa ha ri lexi fanaka namuntlha, xana u ta endla yini hi Vaheveru 13:8? Wa vona, “Hi la fanaka tolo, namuntlha, na hi masiku.”

<sup>80</sup> Sweswi, kutani vonani leswi swi nga swi endlaka, na leswi swi nga swi endla. Swi swi endlile khale, ku Xi endla leswaku xi ala Rito ra Xona N’winyi, ku veka Matsalwa endhawini yo hoxeka.

<sup>81</sup> Ku susa Matsalwa ematshan’wini ya wona, u nga ha hlanganisela miri wa Xona hi ku hoxeka, u vekela kondzo laha a ku fanele ku vekerike nhloko kona, kumbe swin’wana. Ntsena ku fana na . . . Hi marito man’wani, u nga kuma Yesu a chumayela hungu ra Muxe. U nga ha kuma . . . kumbe hambi a ri Wesley a dyondzisa eka nguva ya Luther. U nga kuma sweswi, nguva ya hina, yi dyondzisa Pentekosta, hungu ra Pentekostal. Ma swi vona leswaku a Ri ta va ri ri ethyakeni muni? Pentekosta i khale yi kombisile mihlovo wa yona. Luther u kombisile ya yena, a helela eka denominexini. Yi fele kona kwalahaya. Nguva yi bile; hi liyani yi fambile.

<sup>82</sup> Xiyisisani, ntsena loko ya ha ku tikondletela, yi file. Sweswi, ntsena langutani loko sweswo swi nga ri ntiyiso. Langutani endzhaku eka mapheji ya matimu. Nkarhi hinkwawo loko yi tikondletela, yi fele kona kwalahaya; a ka ha kalanga ku va na swo tala eka yona. Yi hundzukile mugandzeri wa—wa xikwembu xa misava leyи, kutani yi suka yi ya eka mimiri, na mavandla, na tidinominexini, ni le ka swilo leswi nga riki swa xiviri. Ntlawa wa va Ricky wu nghenile kwalahaya kutani va veka mavonelo ya vona eka yona, kumbe ku nghenisa mianakanyo ya vona vinyi, kumbexani, eka yona. Kutani xana ku humelerile yini? Yi hundzukile mpfilumpfilu. Va ya va kongomile xikwembu xa misava leyи, laha va nga ta veka Sathana hi yexe exiluvelweni, va ehleketa leswaku va na murhangeri lonkulu wa misava wo va tisela ku rhula.

<sup>83</sup> Ndzi mi byerile siku rin’wana, ndzi ta swi vula nakambe, leswaku hambi nhluvuko hi woxe namuntlha wu hambana na

Xikwembu. Nhluvuko wu hambana na Xikwembu. Dyondzo yi le ka miliyoni wa timayili ekule na Xona; sayense yi le ka miliyoni wa timayili. Sayense na dyondzo swi le ku ringetenka ku kaneta Xikwembu, wa vona, hi swikolo swa vufundhisibya ntivo-vukwembu na swikolo, na tikamara ta sayense, na swin'wana na swin'wana. Swi vile ni ku ninginisa ka swona.

Mi ri yini hi mayelana na xivono madyambu man'wana, xa wanuna loko a karihela van'watisayense ehansi lahaya va ri karhi va chulula swilo leswiya kukotisa sweswo? Ntsena va lo hundzuluka ntsena va langutisa ehenhla, kutani va ya emahlweni. Ku ta va na ku khandziya kun'wana ko tatisa.

<sup>84</sup> Xiyisisani, oho, swinharhu leswi swo boha swi fanele ku va tano. Sweswi, u nga ka... Yesu a nga tanga a ri karhi a chumayela hungu ra Nowa. A nga tanga a ri karhi a chumayela hungu ra Muxe. Kumbe, Muxe a nga tanga a ri karhi a chumayela... Wa vona, u nga veki Matsalwa endhawini leyihoxekeke. Ya fanele ku va eka nkarhi. Sweswi, u nga ka u nga tirhisi... Loko wanuna yaloye wa kahle, John Wesley, a humelela, kumbe...

Wanuna wa kahle, Luther, loko Luther a humelela na hungu ra yena ra ku lulamisa. Sweswi loko sweswo swa ha ri... Luther a ri wanuna wa kahle. U vitanile kereke leswaku yi huma eka munyama, nakona u vekile ku lulamisa hi ripfumelo. Kutani loko a ta va a swi endlile, va akile vandla ehenhleni ka yona, nakona yi file. Vutomi byi fambile, kukotisa loko byi ri eka rihlanga ra koroni, byi huma byi nghena eka nguva ya Wesley, ku ya eka xichocho. Ku suka eka Luther ku tile matluka man'wana, lawa ya nga fa na yona, lawa a ya ri Zwingli, na Calvin, na hinkwavo lava va humaka eka ndzhundzhuluko lowukulukumba.

<sup>85</sup> Kutani xikan'we-kan'we ku tile Wesley, nguva yin'wana yi hlukerile eka xichocho. Wesley, na Atterbury, na hinkwavo lavaya, na—na John na makwenu wa yena, na hinkwavo ka vona, vavanuna lavakulu va Xikwembu lava a va ri na hungu, ntsena va kukurile tiko. Va ri kondleterile; ri file.

Kutani yi humile yi languteka ntsena kukotisa loko i ngi yi ta humesa ndoho sweswi, nakambe, u ta kuma leswaku, a ku ri xikhamba, Pentekosta.

Kambe endzhaku ka sweswo hinkwaswo, ku humile xirhabiana.

Nakona xiyisisani, hi ntolovel... Ndza ehleketa, hi kwalomu ka manharhu kumbe mune wa malembe endzhaku ka loko Luther a ri emasin'wini, hilaha kereke ya Luthere yi kondleteriweke. Ntsena nkarhi wuntsongo endzhaku ka loko Wesley a vile ensin'wini, yi kondleteriwile.

<sup>86</sup> Tucson, hi vile na—na nongonoko wa hilaha kereke ya Wesley, kumbe kereke ya Methodist, yi veke kona. Nakona loko va tile laha eAmerika, vunyingi bya vona va vuyile kutani ku

vula leswaku va vekile na—na vumbiwa na swin'wana, ku suka eNghilandi, ku yi tisa lahawani, ni hilaha yi ntlanguhatiweke hakona. Ndzi swi vonile hi nkarhi wolowo leswi humeleleke. Yi file kwalahaya.

<sup>87</sup> Kunene, ku humeleta Mapentekosta, vona vahuweleri va khale endzhaku emasikwini lawa ya hundzeke khale, va ri na nyiko yo vulavula hi tindzimi, kutani va sungula hi ku vulavula hi tindzimi. Kutani va yi thyile vito va ku i, "vumbhoni bya Moya lowo Kwetsima." Kutani va tikondletela. Un'we a ku u ta endla *leswi*, nakambe loyi un'wani a ku u ta endla *leswiya*, kutani va vile na timhaka na timhaka. Xana yi endlile yini? Rin'wana na rin'wana ra matluka ri phurhumuleka, ntsena tanihu laha yi endleke hakona erihlangeni ni hilaha yi endleke hakona eka xichocho. Va vile na oneness, twoness, threeness, na kereke ya Xikwembu, na hinkwato letin'wana; ntsena ku phurhumula, ku phurhumula, ku phurhumula.

Kambe sweswi, hi ku ya hi ntumbuluko, lowu wu nga xikombiso xo hetiseka, a wu ngevi nchumu ku Wu dyondzisa ehandle ka wona.

<sup>88</sup> Ndyangu, wa vanghana va mina ehansi eKentucky, a va ha ku kuma n'wana lontsongo—lontsongo loyi a tswariweke siku rin'wana, nakona mana wa yena a pfukile loko va ri karhi va hi swekela swakudya swa ni nhlekanhi. Nakona a pfuneta makwerhu lowun'wana wa xisati ku swekela ntlawa wa hina vavanuna lava a va humile ku ya eku hloteni. Kutani n'wana u sungule ku rila, nakona a ndzi ri eku vulavulen. Ndzi vone ingaku mana wa yena u khomiwilenyana hi tingana, kutani u tsutsumile a ya teka n'wana, kutani—kutani a sungula ku—ku mamisa nakulorhi lontsongo. Ndzi ku, "Wa swi tiva, sweswo ntsena kova ntumbuluko." Wa vona? Sweswi, u nga ka . . .

A va kalanga va kuma ndlela yo antswa yo va n'wana a kuma leswi a swi lavaka ku tlula ku rila. Sweswi, u nga ha n'wi nyika buku ya—ya matikhomelo, kutani u tshama ehansi lahawani kutani u vula leswaku, "Ndzi lava ku ku dyondzisa ntivo-yukwembu, mufana. Sweswi, u nga fambi u kalakala hinkwako laha kukotisa vana van'wana; wena u hambanile. Sweswi, loko u lava ku dyisiwa, u ba nsimbhi leyi lahawani." Ntsena a swi tirhi. Ee, ntsena a swi nga tirhi.

<sup>89</sup> Swingaleswi, loko mi hlalela ntumbuluko, sweswi hi vona laha nguva yin'wana na yin'wana, nakona wu kunguhatiwile hi ku kongoma leswaku hi le ka nguva yo hetelela. Xikhamba xi tlhorhelelekile. Nakona hi vile na khume ntlhanu wa malembe, sweswi ya tshunelela makume mbirhi, wa malembe, ya Hungu ri kukulaka ku tsemakanya ku suka etikweni ku ya etikweni, nakona mixo lowu hi vuuhanganisi bya ku khweketiwa ku tsemakanya hi tiko leri, wa vona, nakona a ku na vandla. Ri nga ka ri nga kondleteli. A ku kalanga ku va na nchumu wo kotisa swona, kumbe lowu nga vaka kona ku sukela sweswi. Wa vona?

Nchumu lowu wu—wu nga na mhaka na Hungu namunlhha, hi lowu, lava Ri kumaka etimbilwini ta vona va fanele ku tshama eVukoneni bya N'wana, leswaku va vupfisiwa. Wa vona? U nga ha tlakula Hungu, kutani u pfumelela N'wana a baka rihlaza hinkwaro leri humaka eka wena, wa vona, ku endla Vakreste lava vupfeke. Ma swi vona leswi ndzi swi vulaka? Xikwembu xa vuya ku nga ri khale, ku ta amukela Kereke ya Xona, nakona hi fanele ku va na muxaka wolowo wa Vakreste ku va Xi va amukela. Koroni yi—yi fanele ku vupfa. Hi swona.

<sup>90</sup> Leswi nharhu swi bohaka swi fanele ku va tano. A mi fanelangi ku nyika ku toloka ko hoxeka, kumbe ku Ri khoma hi ku hoxeka, ku Ri tolokela hi ku hoxisa, kumbe ku rito-... kumbe ku Ri veka endhawini leyi hoxekeke. Ri fanele ku hlayisiwa ntsena hi ndlela leyi Xikwembu xi vuleke ha kona.

Eka misava, i Buku ya swihundla. Vanhu va pfumela leswaku ntsena Yo va Buku ya leswi nga twisisekiki. Nkarhi wun'wana a ndzi vulavula na wanuna wa ndhuma swinene laha edorobeni, loyi a nga ni xiyimo xa kahle xa Vukreste, kutani a ku, "Ndzi ringetile ku hlaya Buku ya Nhlavutelo madyambu man'wana." A ku, "Yohana u ta va a vile na xo rhiya xa biriviri leri bavaka kutani a va na ku hahama." Wa vona, Buku ya xihundla.

<sup>91</sup> Kambe, loko ku ri eka mupfumeri wa ntivyiso, Ri nhlavutelo wa Xikwembu lowu paluxiweke eka nguva leyi hi hanyaka eka yona. U te, "Marito ya Mina i Moya na Vutomi." Yesu u vule sweswo. Nakambe, "Rito i Mbewu leyi mubyari a yi byaleke." Ha swi tiva leswaku sweswo i ntivyiso. I Xikwembu hi xivumbeko xa Rito, nakona ntsena ri nga tolokiwa hi xona N'winyi.

Miehleketo ya ximunhu yi nga ka yi nga swikoti ku hlamusela miehleketo ya Xikwembu. Xana swi nga endlekisa ku yini leswaku miehleketo leyintsongo—leyintsongo leyi helelaka yi toloka Miehleketo leyi nga heleriki, loko hi tsandziwa hambi ku ri hi ku toloka miehleketo ya munhu un'wana xana?

<sup>92</sup> Nakona xiyisisani, hi Xona xi ri Xin'we lexi xi nga Ri tolokaka, nakona Xi Ri toloka eka loyi Xi n'wi tsakelaka. A ri vulanga ri ku, "Lava faka va khale, tanihi loko va famba ku tsemakanya misava hi minkarhi leyo tala ni mikhuva leyo hambana-hambana." "Xikwembu, hi minkarhi leyo tala na mikhuva leyo hambana-hambana xi tipaluxile xona N'winyi eka vaprofeta va Xona." Wa vona?

<sup>93</sup> Nakambe, xiyisisani, "Eka loyi Xi tsakelaka ku n'wi paluxela Rona." Nakona Xi swi vekise sweswo leswaku Xi nga titumbeta xona N'winyi endzeni ka Matsalwa, eka mutivi wa ntivo-vukwembu wa vutlharhi loyi a nga kona. Oho, mina! Xi nga ha titumbeta xona N'winyi ntsena, xi tshama kwalahaya eMatsalweni, kutani u ya languta siku hinkwaro nakona u nga kali u swi vona; u langutisa vutomi hinkwabyo, nakambe u nga

kali u swi vona. Ntsena xi nga titumbeta xona N'winyi, xi tshama kwalahaya.

<sup>94</sup> Sweswi, ndza kombela, hinkwako, pfumelelani sweswo swi nwelela endzeni. Leswaku, Xikwembu, eRitweni, Xi nga ha titumbeta hi ndlela yaleyo eRitweni, leswaku ku hava mutivi wa ntivo-vukwembu kumbe xikolo emisaveni a nga Xi kumaka, hambiswiritano Xi tshamile kona kwalahaya.

Mi ri, “Xana sweswo hi swona, Makwerhu Branham?”

U ri yini hi Vafarisi na Vasaduki? U ri yini hi nguva yin'wana na yin'wana? Xi swi endlile. Hakunene. Xi endlile tano eka nguva yin'wana na yin'wana. Sweswi hi nga ha swi kambisia sweswo. A hi ehleketeni hi masiku ya Nowa; ku tlhariha, nguva ya vutlharhi, hilaha Xi titumbeteke hi Xoxe eRitweni ra Xona ra xitshebbiso. Emasikwini ya Muxé, hilaha Xi titumbeteke hi Xoxe. Emasikwini ya Eliya, hilaha Xi titumbeteke hi Xoxe. Emasikwini ya Yesu, hilaha Xi ti tumbeteke hi Xoxe. “A Ri emisaveni, nakona misava yi endliwile hi Yena, nakona misava a yi N'wi tivanga. U tile eka lava va nga va Yena N'winyi; Lava va nga va Yena a va N'wi amukelanga.” Wa vona?

<sup>95</sup> Xi titumbetile xona N'winyi eka lavo tlhariha, vanhu vo tlhariha ku tlurisa emisaveni. Mi ri, “Kunene, loyi i Dokodela Fada wo Kwetsima *Swingere-ngere*.” A ndzi na mhaka na leswaku hi yena mani, Xikwembu xa tipaluxa eka vana lava va lavaka ku dyondza, wa vona, vana va Xikwembu, mbewu leyi kunguhatiweke.

<sup>96</sup> Ehleketa. Xikwembu xa Matimba hinkwawo, xi tshamile eRitweni ra Xona N'winyi, xi pfala tintlharhi matihlo, swidyondzeki swa nguva leyí, nakona a va swi voni. Va ehleketa leswaku kova ntsena ntlawa wa swifamona. Xi languteni xi yimile lahaya xi tumberile, eka Mapentekostal, Mabaptist, Mamethodist, Mapresbyterian. Xi tipaluxela ehandle eka mani na mani, ni ku kombisa swilo swa tinxaka hinkwato, hambi ku ri ku swi veka emaphepheni, na swin'wana swo kotisa sweswo, hambiswiritano a va swi voni. Oho, Xikwembu xa hina, xi kahle njhani, xa tipaluxa xona N'winyi eka vona lava Xi va rhandzaka.

<sup>97</sup> “Oho,” mi ri, “Makwerhu Jones kumbe Makwerhu *Swingere-ngere*, i—i wanuna wa kahle. U ta Ri vona.” Oho, ee. Xi Ri paluxa eka loyi Xi n'wi tsakelaka. U ri, “Nsati wa mina a nga Ri voni, nakona i wansati wa Mukreste.” Xi tipaluxa xona N'winyi eka loyi Xi n'wi tsakelaka. “Kunene, mufundhisi wa mina i wanuna wa kahle.” Swi kahle sweswo, kambe Xa tipaluxa xona N'winyi eka loyi Xi n'wi tsakelaka. Sweswi, kambisisani na leswi swi nga paluxiwa, eka leswi humelelaka, kutani mi ta . . . mi nga ha twisisa ku antswa.

<sup>98</sup> Sweswi ha swi xiyisisa, swi Yi endla Buku ya Xikwembu nakona ku nga ri buku ya munhu. Loko a Yi ri ya munhu . . .

Sweswi a hi yi languteni hilaha a Yi ta tihlamusela yona hi Yoxe. Langutani hilaha Yi paluxaka vudyoho bya vavanuna lava Yi tsaleke, xiyisisani, vavanuna lava—lava hanyeke enkarhini wa Yona.

Abraham, xikombiso, u vitaniwile “tatana wa lava tshembhekaka.” Xiyisisani hilaha leswi... Mi ehleketa leswaku Abraham a ta va a tsale Buku leyi hi yena n’winyi, hi vutoya bya yena? U ehleketa leswaku a ta va a tsarise ku yini leswaku u hembele hosi mixo walowo, nakona a vula leswaku yaloye a ri sesi wa yena, kuvendi a ri nsati wa yena? Xana a ku ta va ku tsariwe hi vutoya bya yena lebyi a byi endleke? Hakunene, a nga ta swi endla sweswo.

<sup>99</sup> Yakob yena ke hi vukanganyisi bya yena? Mukanganyisi lontsongo loyi Yakob a ri xiswona. Xana e—e—e wanuna, Muheveru a tsala hi makwenu wa yena wa Muheveru, loyi ha yena Israel hinkwaro ri nga vitaniwa, xana a nga va ni xitiya nhlana xo tsala hi vukanganyisi bya tatana wa tiko hinkwaro? Eka Yakob, ku humile vapatriaka; eka vapatriaka, ku humile tinyimba. Nakona ribye ra masungulo ya swona hinkwaswo, Bibele yi n’wi paluxa tanahi mukanganyisi. Xana a hi swona sweswo xana? Mi ehleketa leswaku munhu a ta swi tsala sweswo xana? Ee, nkulukumba.

<sup>100</sup> Mi ri yini hi munhu loyi a tsaleke hi ta hosi leyikulu leyvi va tshamekeva va na yona laha misaveni, leyvi ambexiweke harhi ya vuhos; Davhida, eka ku endla ka yena vuoswi? Xana Mayuda lava a va ta va va tsarile hi hosi ya vona leyo xiximeka swonghasi tanahi muoswi?

Oho, hi na matimu, tanahi, “George Washington a nga kalanga a vula vunwa,” na swilo swo kotisa sweswo. Hi ri, swi vitaniwa matimu.

Kambe hi loyi munhu, Bibele leyvi yi vitanaka Davida leswaku i “muoswi,” nakona a ri yena. Hosi ya Israel, muoswi loyi a ta va n’wana... Yesu a ta va N’wana wa Davida. Rona Ribye ra Nhloko; na tata wa Yena, ku ya hi nyama, a ri muoswi. Vayuda a va nga ta kala va tsala Buku yo kota yaleyo. Xana munhu a ta swi tsala leswi hi yena n’winyi? Na swintsongo.

<sup>101</sup> Xana a ri ta swi kotisa ku yini rixaka lera manyunu ra Israel xana? Ma swi tiva hilaha ri nga na manyunu hakona. Rixaka ra manyunu ra Israel, ri suka ri ya tsala hi vuahava bya rona, ri tsala hi ku sihalala ka rona eka Xikwembu xa rona, ri tsala ku lwisana na thyaka, swilo swa manyala leswi ri swi endleke, nakona swi tsariwa ebukwini? Hakunene a va ta va va swi tumbetile sweswo. A va ta va va kombete leswa kahle ntsena. Kambe, Bibele leyvi, yi vula leswi lulameke na leswi hoxekeke. Yi, un’wana na un’wana wa swi tiva leswaku Vayuda a va nga ta tsala Buku yo kotisa yaleyo, mayelana na ku thyaka ka vona, na

vuhava, na ku tsandzeka, na hinkwaswo leswi a va ri na swona. A va ta va va nga swi tsalanga sweswo. Oho, ee.

Kutani, i mani Loyi a Yi tsaleke? Bibele yi te, eka Vaheveru 1:1, “Xikwembu, hi minkarhi leyo tala ni mikhuva leyo hambana-hambana xi vulavurile na vatatana hi vaprofeta.” Kutani, a ku nga ri vaprofeta, a ku nga ri leswi faka. “Xikwembu!” Ku nga ri “vaprofeta hi minkarhi leyo tala.” Kambe, “Xikwembu, hi minkarhi leyo tala, ni mikhuva leyo hambana-hambana xi vulavurile na vatatana hi vaprofeta.”

Ndzi na Tsalwa leri tsariweke ehansi laha. A ndzi tivi leswaku hi Rihi; a ndzi nge swi koti ku kongomisa eka Rona. Hi ntolovel, loko swilo leswi ndzi swi kongomisa eka wona, ndzi languta eka Matsalwa. Ndzi ta ri langutisa ku nga ri khale ngopfu, loko mi nga ndzi pfumelela. I Timotiya wa Vumbirhi 3:16. A—a—a ndzi ehleketa leswaku ndzi ta swi tsundzuka, kambe ndzi khomeleni. Ndzi ta yimanyana ntsena minete ku kuma leswaku hi rihi.

<sup>102</sup> “Xikwembu, hi minkarhi leyo tala ni mikhuva leyo hambana-hambana xi vulavurile na vatatana hi vaprofeta.”

Sweswi Timotiya wa Vumbirhi 3, 3:16. A hi voneni leswi yi swi vulaka eka 3:16

*Matsalwa hinkwawo (ina) ma nyikiwile hi huhutelo wa (Vaprofeta? Ee.)... huhutelo wa (Yini?) Xikwembu, ma pfuna eka dyondzo, ni ku khorwisa, ni ku ololoxa, ni ku letela hi vunene:*

*Lewaku munhu wa Xikwembu a ta hetiseka, a ta lunghiseriwa mintirho hinkwayo leyinene.*

<sup>103</sup> Hi swona, kutani, Matsalwa hinkwawo ma tsariwe hi ku huhuteriwa. Yesu, lahawani emisaveni, u vurile leswaku matilo na misava swi ta hundza, kambe Rito ra Yena ri nga ka ri nga hundzi. U te Matsalwa hinkwawo ya fanele ku fikeleleka. Kutani Buku leyia hi buku leyia tsariweke hi munhu. I Buku leyia tsariweke hi Xikwembu.

<sup>104</sup> Sweswi, ha swi tiva leswaku Xikwembu xi yi hlawule hi ku yi kunguhatela Kereke ya Xona, ndhawu ya Xona, vaprofeta va Xona, na hinkwaswo mayelana na swona. Hi vutivi byo rhanga, Xi kunguhaterile muprofeta wa Xona. Nakona loko nguva yi fikile, Xi endlile leswaku muprofeta wa Xona a fika hi nkarhi lowu fanaka, na ku n'wi huhutela tanihu loko Xi tsala Bibele ha yena. Sweswi, Xikwembu xi tsarie Bibele ntsena hi ku tirhisa muprofeta, hikuva yaleyo hi yona ndlela ya Xona yo swi endla. Swingaleswi, wa vona, a hi rito... Swingaleswi, wa vona, Ri Rito ra Xikwembu, nakona ku nga ri rito ra munhu.

<sup>105</sup> Xikwembu i Munhu. Xikwembu xa swi kota ku vulavula. Xikwembu xa swi kota ku vulavula. Xikwembu xa swi kota ku tsala. A xi nga boheki ku swi endla hi ndlela yaleyo, kambe

yaleyo i ndlela leyi Xi—Xi yi hlawuleke ku endla ha yona. A Xi nga boheki ku endla hi ndlela yaleyo, kambe Xi hlawurile ku endla hi ndlela yaleyo. Sweswi mi ri, “Xikwembu xi tsarile hi rintiho ra Xona, rintiho ra Xona N’winyi ra vuhos, swileriso swa khume. Swingaleswi Xikwembu xi nga ha tsala, hi Xoxe, loko Xi swi lava.” Wa vona? Kambe Xi—Xi hlawurile ku Ri tsala hi vaprofeta, wa vona. Hikuva a ri ri xihlawulekisi xa Xona, Rito ra Xona, Xi ri hlamusela ha vona, ku va endla hinkwavo leswaku va va xiphemu, kumbe xiphemu xa Xona. Wa vona? A Xi ta tsala hi rintiho ra Xona. Xi tlhele xi teka rintiho ra Xona kutani Xi tsala emakhumbini ya Babilona, “U ringanisiwile hi xikalo kutani u kumiwe u ri la vevukeke.” Xi tsarile hi rintiho ra Xona N’winyi.

<sup>106</sup> Xikwembu xa swi kota ku vulavula. Xana ma pfumela leswaku Xikwembu xa swi kota ku vulavula xana? Xi vulavurile na Muxé entshaveni, eka xihlahla lexi pfurhaka. Xana ma swi pfumela sweswo xana? Ina, nkulukumba. Xi vulavurile na Yohana, hi xivumbeko xa tuva, (ma swi pfumela sweswo xana?) leswaku, “Loyi i N’wananga loyi Ndzi n’wi rhandzaka Loyi Ndzi tsakelaka ku tshama eka yena.” Xi vulavurile na yena. Xi vulavurile na Yesu eNtshaveni ya Nkwetsimo, emahlwени ka Petro, Yakob, na Yohana. Xa swi kota ku vulavula. A hi Xi mhumhumhu. Xikwembu xa swi kota ku vulavula. Swingaleswi Xi vulavurile na—na Yesu eNtshaveni ya Nkwetsimo. Nakambe xi vulavurile na Yesu emahlweni ka ntshungu hinkwawo wa vanhu; loko, vanhu va te ri dumile, kambe a ku ri Xikwembu lexi vulavulaka na Yesu. Nakona hinkwavo ka vona va Matewu, Marka, Luka, na Yohana, i Yesu a vulavulaka. Hi Yena Xikwembu. Swingaleswi, Xikwembu xa vulavula.

<sup>107</sup> Xi teke tintiho ta Xona N’winyi kutani xi tsala esaveni, siku rin’wana. Xi vulavurile, Xi chumayerile, Xi profetile, hi milomu ya Xona N’winyi, Xikwembu xi swi endlile, loko Xi tiendlile nyama na ku tshama exikarhi ka hina, “Xikwembu xi tivonakarisile enyameni.” Loko Xi kota ku tsala, ku vulavula, xana Xi nga tsandzekaka ku byela van’wana leswi faneleke ku endlwa xana? Hakunene xi nga swi endla. Xi nga ha vulavula na vona, hi rito ra ximunhu. Xi nga ha tsala na ku va kombeta leswi faneleke ku endlwa. Xi swi endlile.

Swingaleswi, “Xikwembu, hi minkarhi leyo tala ni mikhuva leyo hambana-hambana xi vulavurile khale na vatatana hi vaprofeta.” Nakona Xi te, eka ku Tsala loku, leswaku, “Ku hava thonsi na rin’we kumbe nhloko-mhaka leyi yi nga kalaka yi hundza ku fikela laha Yi fikelelekaka,” nakona xi Ri vonakarisile; kutani Ri ta hundza, hikuva Ri vonakarisiwile. A Ri nga ta hundza, kambe ntsena Rito hi Roxe ri tiendlile nyama. *Thonsi* swi vula “rito lerintsongo.” *Nhloko-mhaka* swi vula “mfungho lowuntsongo.” Ku ri hava na xihikahati na xin’we, xivulwa xin’we, xin’wana na xin’wana, xi nga tsandzekaka eRitweni ra Xikwembu. Ri nga ka ri nga tsandzeki, hikuva

Ri Xikwembu, Xikwembu xi tivonakarisile hi xivumbeko xa munhu wa nyama. Hikuva, i Xikwembu hi Xoxe eka xivumbeko xa papila, xivumbeko xa muprofeta, xi tivonakarisile enyameni.

Sweswi, xexo hi xona xivangelo xo va Yesu a te, “Lava vulavuleke na n’wina, mi va vitana ‘swikwembu,’ lava vulavuleke na n’wina hi Rito ra Xikwembu,” a ku, “kunene a va ri swikwembu.” Vaprofeta lavaya loko va totiwe hi Moya wa Xikwembu, kutani va tisa hi ku hetiseka Rito ra Xikwembu, kutani a va ri swikwembu. A ku ri Rito ra Xikwembu ri vulavulaka hi vona. Nakona va nga . . .

<sup>108</sup> Va toloka ntsena tanahi laha Mutsari a nga va pfumelelaka ku toloka. Sweswi loko mi lava ku swi kumisia sweswo, yaleyo i Petro wa Vumbirhi 1:20 na 21. Hi swona. Hikuva, leswi, laha Xikwembu . . . “Ku hava mutoloki wa le xihundleni.” Xa titolokela Xona N’winyi.

Xikwembu xa vulavula xi tlhela xi Ri toloka, hi Xoxe, kutani xi swi paluxela eka loyi Xi n’wi tsakelaka, xi swi tumbetela lavan’wana hinkwavo. A xi boheki ku Ri paluxela un’wana na un’wana handle ka loko Xi swi lavisa xiswona. Nakona a Xi swi lavi . . . Xona, Xi hlamuserile nchumu wa Xona hinkwawo eMatsalweni, swingaleswi nchumu hinkwawo wu endliwile lowu tivekaka; kova ntsena leswaku Xi tshamile lahaya ni ku swi hlalela loko swi humelela. Wa vona? Ee. Ntsena ku vona Miri wu endliwa ni ku vuyela eka wa Xona, eka xivumbeko, Mutekiwa wa Xona nakambe. Hi swona.

<sup>109</sup> Vapfumeri va Ri pfumela, kukotisa Abraham loyi a vitanek swilo leswi hambaneke na Rona tanahi loko swi nga ri tano.

<sup>110</sup> Nakambe Rona, Rito leri, ri vonisisa swihundla swa timbilu, Vaheveru 4:12. “Ri vonisisa swihundla swa timbilu.”

<sup>111</sup> Vaprofeta eka nkarhi wun’wana a va nga vi na ku twisisa ni leswi a va swi tsala kumbe leswi a va swi vula, kumbe a va ta va va nga swi vulanga, loko ingi a va Ri twisisile. Wa vona? Kambe Bibele yi te, “A va fambisiwa hi Moya lowo Kwetsima.” Ku fambisiwa! Loko Moya lowo Kwetsima wu ku fambisa, wa famba. Vanhu . . . “Xikwembu, hi minkarhi leyo tala ni mikhuva leyo hambana-hambana xi vulavurile na vaprofeta lava fambisiweke hi Moya lowo Kwetsima.” Hikokwalaho, tinguva hinkwato, vanhu lava a va ri va ximoya a va tihlanganisa na vaprofeta mayelana na minkarhi ni leswi a swa ha ta humelela.

Muprofeta la tsalaka u fanele ku va ni xinakulobye hi nkarhi hinkwawo na Mutsari. Wa vona? U fanele ku hanya hi minkarhi hinkwayo eVukoneni bya Mutsari, ku tiva hilaha Buku yi nga ta va hakona. Wa vona? Muprofeta la tsalaka, a tshama a lulamile na xitsalo nkarhi wun’wana na wun’wana, a va na xinakulobye hi nkarhi hinkwawo na Mutsari, laha a ku ri Xikwembu, ku tsala ehansi swihi na swihi leswi Xi vuleke leswaku swi tsariwa ehansi. Wa vona? Swi kombisile muxaka wa vutomi lebyi a

fanele...vutomi lebyi byi tiaveke ku suka eka hinkwavo va rikwavo.

<sup>112</sup> Sweswi, hikokwalaho muprofeta a vekeke miehleketo ya yena hi nkarhi hinkwawo eka leswi Xikwembu xi swi vuleke; ku nga ri leswi munhu a swi anakanyaka, leswi nguva yi swi anakanyaka, leswi kereke yi swi anakanyaka, leswi mfumo wu swi anakanyaka. Hileswi Xikwembu xi swi anakanyaka! A humelerisa ntsena mianakanyo ya Xikwembu eRitweni, hikuva rito i mianakanyo loko yi humelerisiwile. Ma swi kuma sweswi xana? Rito i mianakanyo leyi humelerisiweke, swingaleswi muprofeta a yimelle mianakanyo ya Xikwembu. Nakona loko Xikwembu xi paluxile mianakanyo ya Xona eka yena, u yi humelerisile eRitweni, “LESWI SWI VULA HI HOSI.” Wa vona, ku nga ri “Leswi mina ndzi swi vulaka, mina muprofeta.” “LESWI SWI VULA HI HOSI!” Wa vona? Hi swona.

<sup>113</sup> Hikokwalaho va nyamiseke mimfumo na tinguva ta kereke, laha, ku endla tano enkarhini wa vona, a ku ri xigwevo xa rifu. Loko u famba u ya emahlweni ka hosi u ya yi byela leswaku, “LESWI SWI VULA HI HOSI, *swo karhi-na-swo karhi* swi ta humelela,” a wu ta tsemiwa nhloko. Kereke a yi ta ku yisa eku feni sweswi nyana hikuva u endle sweswo. Kambe vaprofeta lava a va ri na vurhena. Hikokwalaho ka yini? A va fambisiwa hi Moya lowo Kwetsima, wa vona, nakona, vona, hi swona swi endleke leswaku va va vavurhena. Kutani va—va tsarile Rito ra Xikwembu leri nga hoxisiki.

<sup>114</sup> Ku vile na vo tala lava ringeteke ku encenyeta vaprofeta lava, tanahi vaprista, na van'wana. Nakona xana va endlile yini? Va lo onha ntsena, hi swona. A va nga ta swi kota ku swi endla.

Hikuva, Xikwembu xi hlawurile wanuna eka nguva yaleyo, ni ku hlawula Hungu, hambi ku ri ntumbuluko wa wanuna loyi na leswi swi nga ta hundza ehenhla ka nguva yaleyo, leswi Xi nga ta swi tlhandleka ehenhla, hilaha Xi nga endlaka hakona, hi ntumbuluko wa wanuna wo karhi, Xi nga ha pfala mahlo ya van'wana. Marito lawa wanuna yaloye a nga ma vulaka, hi ndlela leyia endleke hi yona, yi nga ha pfala mahlo ya van'wana, kutani yi pfula mahlo ya van'wana. Wa vona? Xi ambexile wanuna hi muxaka wa nguvu leyia ri xiswona; ntumbuluko, ku navela ku humelela, na xin'wana na xin'wana ntsena hi ndlela leyia fanele ku va xiswona, ntsena a hlawuriwe hi ku hetiseka eka vanhu vokarhi lava a Xi ta va vitana eka nguva yo karhi.

Loko, van'wana va ta yima va n'wi langutisa, va ku, “Kunene, a ndzi nge swikoti. Ku na...A—a ndzi koti ku vona.” A va pfariwe mahlo.

<sup>115</sup> Yesu u tile hi ndlela leyia fanaka, a ambarile, Xikwembu lexi nga riki na ku fa xi ambarile nyama ya ximunhu. Nakona hikuva U tswariwile exitsengeleni, exivaleni lexi taleke hi quva, ku nga ri na ndhawu leyia ta lata nhloko ya Yena kona; a tswariwa, eku

ehleketeni, na vito ra vuhunguki leri ri bohiweke eka Yena. Wa vona? Hinkwaswo swilo leswi A ri swona, ni hilaha A humeleleke hakona, n'wana wa muvathli, hilaha A nga ri na dyondzo hakona.

Swo tala kumbe swintsongo, emisaveni, vutlharhi bya misava leyi, A nga ri na nchumu xo xi endla ha byona. Ku hava na nhluvuko wa misava leyi, dyondzo, kumbe nchumu wo karhi, A nga ri na nchumu xo xi endla hi swona. Hikokwalaho ka yini? Hi Yena Xikwembu. A swi ta hambana. Loko A ringetile ku ya eka swikolo swa vufundhisi kun'wana ku ya dyondza nchumu wun'wana lowu tikereke leti ta misava a ti wu endla, hi swihi eka... Hikokwalaho ka yini, a swi nga ta kala swi... hikokwalaho ka yini, a swi nga ta kala swi... a swi nga ta fambelana na matwisiselo ya Yena, hikuva Yena a ri Xikwembu.

Swingaleswi, dyondzo, ku nghena xikolo, swikolo swa vufundhisi, na swin'wana, swi hambanile hi ku hetiseka na ku rhandza ka Xikwembu. Mafambiselo hinkwawo ya dyondzo ya hambana na Xikwembu. Hinkwaswo swi dyondzisa ku hambana na Xikwembu, nkarhi hinkwawo. Loko ndzi twa munhu a ku hi yena Dr., Ph.D., L.L.Q., sweswo ntsena swi n'wi yeka ekule swinene na Xikwembu, eka mina. Wa vona? U tidyondzisile ntsena ku va ekule ni leswi hi xiviri a vitaneriweke ku swi endla. Hi swona sweswo.

Xiyisisani hilaha sweswi a va fambisiwa hi Moya lowo Kwetsima.

<sup>116</sup> Sweswi, sweswo a swi vuli leswaku vanhu vo dyondzeka a va ngheni. Langutani Paul. Ndzi pfumela leswaku a ku nga ri na nakulorhi wo tlhariha enkarhini wa yena kukotisa Paul, loyi a ri Saul wa Tarsus. A dyondzile ehansi ka Gamaliel, un'wana wa vadyondzisi lavakulu enkarhini walowo; lonkulu, Muheveru wo landzelerisa nawu, Mufarisi wa dinominexini. Nakona Paul u kurisiwe ehansi ka yena. A tiva hinkwaro ripfumelo ra xiYuda. Kambe loko a ta ekerekeli, u te, “A ndzi tanga ka n'wina hi dyondzo ya munhu, na swin'wana na swin'wana. Hikuva, loko mi nga endla tano, kutani mi nga tshembhela eka sweswo. Kambe ndzi ta eka n'wina hi matimba na ku kombisa ka Moya lowo Kwetsima, leswaku ripfumelo ra n'wina ri va eka Xikwembu.” Hi sweswo. Wa vona? Hi swona.

<sup>117</sup> Vo tala va ringetile ku encenyeta vanhu lava, kambe va kumeke va onheterile tanahi laha va endleke hakona namuntlha. Ku vile na un'wana la pfukeke ku nga si fika nkarhi wa Yesu, a nga humesa mune wa madzana wa vanhu endleleni. Nakona ma swi tiva hilaha Matsalwa ya swi vuleke hi mayelana na swilo leswi, ku ringeta ku swi endla nkarhi wu nga se fika. Nakambe van'wana va vona va ringetile ku N'wi encenyeta, nakona va vile hinkwaswo *leswi*, *sweswo*, kumbe *leswin'wana*. Kutani U te, “Emasikwini yo hetelela, hilaha ku nga ta pfuka Vakreste va mavunwa hakona, emasikwini yo hetelela, na vaprofeta va mavunwa, kutani va kombisa swikombiso na swihlamariso.” Hi

na swona sweswo hinkwaswo. Wa vona? Kambe sweswo a swi susi leswa xiviri. Swi endla ntsena leswaku Swi vangama ku antswa, hikuva hi na Kreste wa xiviri, ku nga ri lowa mavunwa.

<sup>118</sup> Sweswi, sweswi, ha swi lemuka leswaku Xikwembu xi rhumerile vaprofeta va Xona. Yaleyo a yi ri ndlela leyi Xi veke na yona ku yisa Rito ra Xona eka vanhu, hi milomo ya vaprofeta va Xona.

Kutani xiyisisani, ma swi tiva, Muxe u te, loko mi lava ku swi hlaya eka Eksoda kavanyisa ka vu4, ndzimana ya 10 na 12. Muxe u te Xikwembu xi vulavurile na yena. Xikwembu xi vulavurile na munhu, nomo endleveni. Nakona u te, “Ndzi munhu wo nonoka eka ku vulavula,” ku vula Muxe. “Mina, a ndzi lulamelanga. Ndzi—ndzi nga ka ndzi nga yi.”

<sup>119</sup> Xi ku, “I mani Loyi a nga endla munhu leswaku a vulavula, kumbe Loyi a nga n’wi endla a va mbheveve? I mani Loyi a nga n’wi endla leswaku a vona, kumbe i mani Loyi a nga n’wi endla a twa? Xana a hi Mina, Hosi xana?” Xi ku, “Ndzi ta va na nomo wa wena.” Wa vona? Swingaleswi . . .

<sup>120</sup> Nakona Yeremiya u te, loko u lava ku swi hlaya sweswo eka Yeremiya 1:6. Yeremiya u vule leswaku, “Xikwembu xi vekile marito enon’weni wa mina.” Wa vona? Xi—Xi vulavurile, nomo endleveni, na muprofeta un’we; kutani xi vulavula hi muprofeta un’wana, a nga ri na vulawuri eka hinkwaswo, nakona u vulavurile hi nomo wa yena.

<sup>121</sup> Xi na tindlela to humesela Rito ra Xona ehandle, ma swi tiva. Ina, nkulukumba. Kutani ma swi vona leswaku Bibele i Rito ra Xikwembu, ku nga ri rito ra munhu.

Muxe u te, “Xikwembu xi vulavurile na mina hi Rito, nakona ndzi Xi twile. Ndzi tsarile ehansi leswi Xi swi vuleke.”

<sup>122</sup> Yeremiya u te, “A ndzi nga koti ku vulavula na swintsongo. Nakona, nchumu wo sungula lowu mi wu tivaka, nomo wa mina a wu vulavula, nakona—nakona—nakona a ndzi ri eku tsaleni.” Xikwembu xi vulavurile hi nomo wa yena, nakona swi humelerile.

Daniel, Esaya, na van’wana, hinkwavo vaprofeta lavaya a va fana.

<sup>123</sup> Ma swi tiva, eka Testamente ya Khale yi ri yoxe, i ku tlula magidi mbirhi wa minkarhi vaprofeta valava va te LESWI SWI VULA HI HOSI. Sweswi, loko munhu aku LESWI SWI VULA HI HOSI, a hi munhu loyi a vulavulaka. Loko a nga endla tano, u ta va a nga ri muprofeta, u ta va a ri mutiendlisi, wa vona, hikuva a swi nga ta (swi nga ka) humelela; nkarhi wun’we eka dzana ra magidi wa minkarhi, wa vona, va nga swi vhumba. Kambe loko ku ri leswaku LESWI SWI VULA HI HOSI, Hosi Xikwembu xi swi virile.

Loko ndzi ngaku, “Leswi swi vula hi Orman Neville”; makwerhu wa mina a ku, “Leswi swi vula hi Tatana Mann”; ndzi ngaku, “Leswi swi vula hi Makwerhu Vayle,” ehandle lahaya, kumbe van’wana va vamakwerhu lava, wihi kumbe wihi wa n’wina; ndzi vula leswi u swi vuleke. Loko ndzi tshembheka, ndzi vula ntsena leswi u swi vuleke.

Kutani vavanuna lava, ku va va ri vaprofeta, va teri, “A hi mina. A ndzi na nchumu xo xi endla ha xona, kambe LESWI SWI VULA HI HOSI.” Swingaleswi Bibele yi LESWI SWI VULAKA HI HOSI hi vaprofeta.

<sup>124</sup> Xiyisisani, va tekile Moya wa Kreste ehenhla ka vona vinyi, kutani va vhumba timhaka leti a ti ta humelela. Va vulavula hi ku vhumba! Va vurile leswi a swi ta endleka ehansi eka tinguva, tanahi loko va tshama, va yima, va etlerile, va famba na Moya wa Kreste ehenhleni ka vona, ku fikela laha va endleke kukotisa Kreste. Nakona vahlayi a va ta swi hlaya ni ku ehleketa leswaku vaprofeta a va vulavula hi vona vinyi.

Ma tsundzuka hi ta mutsheniwa loko a ri karhi a hlaya hi Esaya 53:1, mayelana ni hilaha, leswaku, “U tlhaviwile hikwalaho ka milandzu ya hina, u tshoveleriwile hikwalaho ka ku homboloka ka hina, nxupulo wa ku rhula ka hina a wu ri ehenhla ka Yena, kutani hi mimpfembeti ya Yena hi horisiwile”? Mutsheniwa u te eka Filipi, “Xana muprofeta a vula mani hi mhaka leyi, a ti vula kumbe a vula un’wana xana?” Wa vona, muprofeta a vulavula ingaku a ku ri yena hi yexe.

<sup>125</sup> Langutisani Davhida loko a rila a ri eMoyeni, “Xikwembu xanga, Xikwembu xanga, U ndzi tshikele yini xana? Marhambu ya mina, ya ndzi honokela, eka mina,” Davhida. “Va boxile milenge ya mina na mavoko ya mina,” Davhida. “Va boxile milenge ya mina na mavoko ya mina. Kambe Wena u nge tshiki moyo wa mina etiheleni, nakona U nga ka u nga pfumeleli loyi a kwetsimaka wa Wena a vona ku bola,” tanahi loko Davhida a vulavula hi yena n’winyi ku va loyi a kwetsimaka. A ku ri N’wana Davhida, loyi a mirisiweke, Mbewu ya ximoya leyi xikelaka ehansi lahaya. Hambileswi Davhida hi vuyena a ri gwanda, kambe endzeni ka rona a ri ndoho ya Koroni. Ma swi kuma xana?

Swingaleswi, Bibele hinkwayo a hi rito ra munhu, nakona a Ri kalanga ri tsariwa hi munhu, ku tisiwa hi munhu, kumbe ri nga ka Ri nga–nga paluxiwi hi munhu. I Rito ra Xikwembu leri paluxiweke hi Xikwembu hi Xoxe, hi Xona xi Titolokelaka xona N’winyi, Kreste loyi a ti paluxaka hi Yexe eRitweni ra Yena N’winyi.

<sup>126</sup> Langutani Kreste a yimeke endzhaku lahawani endzeni ka Davhida. Davhida a nga ha swi koti na ku ehleketa sweswi. Miehleketo ya yena a yi n’wi sukerile, tanahi laha a swi ri hakona. Nakona Yena a nembelela exihambanweni, tanahi laha mi vonaka xifaniso lahaya; a nembelelaka exihambanweni, a

rilaka, "Xikwembu Xanga, Xikwembu Xanga, U Ndzi tshikele yini xana? Hinkawo marhambu ya Mina, ya Ndzi honokela. Va boxile mavoko ya Mina na milenge ya Mina. Va tlhavile tsheve ra Mina." Wa vona? "Hikokwalaho ka yini U ri kule na Mina? Hinkwato tinkuzi ta Bashan ti ndzi rhendzerile. Ti ninginisa tinhloko ta tona, ti ku, 'U tshembhele eka Xikwembu, leswaku Xi ta N'wi ponisa; sweswi a hi n'wi voneni loko Xi ta N'wi ponisa,'" va vulavula marito lama fanaka.

Swingaleswi, ma swi vona, loko Xikwembu xi ta va xi vonakarisiwile laha emisaveni, Xi vurile marito man'we ni lawa ya vuriweke hi Davhida. Ma swi kuma xana? Swingaleswi, ma swi vona, a Ri rito ra munhu; Ri Rito ra Xikwembu. A ku ri na Xikwembu endzeni ka Davhida; yaloye a ku nga ha ri Davhida. A nga ha swi tivi leswi a swi vula; a ri ntsena eMoyeni.

Yaleyo hi yona ndlela leyi Muxe a ri xiswona. A ri eMoyeni swonghasi, a hundzile eka xivandla xa ximoya lexi a hanya eka xona, kutani a yimile kwalahaya ngohehi ngohe, eka xihlahla xexo lexi pfurhaka, a vulavula na-na-na Xikwembu hi Xoxe. Xi ku, "Susa tintanghu emilengeni ya wena. Hikuva xivandla lexi u yimeke ka xona i misava leyo kwetsima."

O nge ndza swi vona loko Muxe a ta suka kwalahaya, u ehleketele leswaku, "Ku humelele yini? I ncini xi nga humelela? Xana i yini?"

Xi ku, "Famba ehansi eEgipta. Ndzi ta va na wena."

U te, "I swa xiviri eka mina, ndzi fanele ku famba." U tekile nsati wa yena na vana va yena...na-na-n'wana wa yena, kumbexana, na nhonga ya yena exandleni xa yena, kutani a kongoma ehansi eEgipta, ku ya ntshuxa vanhu. Wa vona?

<sup>127</sup> Xikwembu xi ri karhi xi vulavula, hi Xoxe, hi vaprofeta. Wa vona, vona, va hetisekile... A hi vaprofeta; a ku ri Xikwembu. Hikuva, muprofeta, hi vuvona, a va nga ta swi vula swilo leswiya.

"Ku pfumerile mani leswi hi nga byeriwa swona?" Ku vula Esaya, ma swi vona. "Ku pfumerile mani leswi hi nga byeriwa swona? Kutani voko ra Hosi ri kombisiwile eka mani? U ta kula emahlweni ka hina tanahi rhole e-e tshangeni. Ni hilaha sweswo, hambiswiritano, U tlhaviwile hikwalaho ka milandzu ya hina, u tshoveleriwile hikwalaho ka ku homboloka ka hina, nxupulo wa ku rhula ka hina a wu ri ehenhla ka Yena; kutani hi mimpfembeti ya Yena hi horisiwile." Hi horisiwile, ndlela hinkwayo ehenhla eka nguva ley; nakona Esaya, endzhaku halahaya nhungu wa madzana wa malembe ku nga se va na Kreste. Wa vona? "Hi mimpfembeti ya Yena hi horisiwile," swi le ka nkarhi lowu nga hundza, khale, "hi horisiwile." Oho, mina!

Hilaha, Rito ra Xikwembu, ri hetisekeke hakona! Tshembelani eka Rona, vanhu. I nchumu wuri wun'we lowu nga mi ponisaka.

<sup>128</sup> Marito laman'wana hinkwawo, a ndzi na mhaka ni hilaha ma vekiweke kahle hakona, hilaha, loyi ma humaka eka yena, i dinominexini yihi leyi ma humaka eka yona, kumbe munhu u tlharihise ku yini, swi lava ku fularheriwa hi ku hetiseka, xin'wana na xin'wana lexi hambanaka na Rito. Loko mi lava ku tsala Tsalwa rero ehansi, i Vagalatiya 1:8. Wa vona? Paul u te, "Ni loko ku ri hina, kumbe Ntsumi leyi yi humaka eMatilweni, yi nga chumayela swin'wana ku tlula Leswi a na mi nga swi twa, a yi rhukaniwe."

Hi marito man'wana, loko Ntsumi yi nga ta eka n'wina ku suka eMatilweni, Ntsumi leyi hatimaka hi ku vangama, kutani yi fika yi yima; jaha, sweswo ku nga va xo yenga xa siku leri, xi nga va xi nga ri xona? Ntsumi leyi hatimaka hi ku vangama yi ta yi huma ehenhla lahaya yi yima, nakona yi vula swilo leswi hambanaka na Rito; mi ri, "Sathana, fambela ekule na mina." Hi swona. Loko a ri bishopo, loko a ri...hambi a nga va yini, mi nga tshuki mi n'wi pfumela loko a nga vulavuli leswi fanaka na Bibele, Rito hi Rito. N'wi languteni, u ta mi rhwala hi Bibele sweswi. U ta mi rhwala a mi yisa endhawini yin'wana, kutani a yi haka lahaya. Loko mi vona Bibele yi vula nchumu wun'wana, nakona a swi tlula sweswo, n'wi langutiseni kwalahaya.

Wa vona, hi yona ndlela leyi a endleke Evha hakona. U tile ehansi nakona u virule xin'wana na xin'wana ntsena hi ku hetiseka. "Kunene, Xikwembu xi vule *leswi*."

"Sweswo hi swona, Evha. Amen. Hi pfumela sweswo, kun'we."

"Kunene, Xikwembu xi vule *leswi*."

"Amen. Hi pfumela sweswo, kun'we."

"Xikwembu xi vule *leswi*."

"Hi pfumela sweswo, hakunene."

"Kunene, kambe Xikwembu xi te hi ta fa."

<sup>129</sup> "Kunene, sweswi, ma swi tiva leswaku hi Xona Xikwembu xa kahle." A Xi vulanga leswaku Xi nga ka, ma swi tiva. "Kambe hakunene..." Oho, mina! Hi yaloye.

Kutani loko a vile mukanganyisi kukotisa sweswo, nakona Bibele yi teri, "Emasikwini yo hetelela u ta kanganyisa na Vahlawuriwa loko swi nga koteka," xana hi kwihi laha hi faneleke ku va kona namuntlha, vanghana? Sweswi, tidyondzo letintsongo ta xikolo xa Sonto, a ti fanele ku rhwariwa kahle ti tshunetiwa ekusuhi, ma swi tiva, eka timbilu ta hina, ku vona... . Hi fanele ku yingisela swinene ni ku vona hilaha nchumu walowo wu kanganyisaka hakona.

<sup>130</sup> Xiyisisani, a hi nge swi koti, a hi fanelanga, ku yingisa rito ra munhu wihi kumbe wihi. A hi na mhaka na ku tlhariha, na ku u dyondzeke njhani. Bibele, eka Swivuriso, yi ri, "Hi fanele

ku cukumeta ku anakanya ka hina.” Wa vona? Sweswi, lahawani eka rivala ra mgingiriko ra vumbirhi . . .

Rivala ra mgingiriko ro rhanga i switwi swa n’wina swo vona, ku ringa, ku khumba, ku nuhetela, na ku twa. Sweswo swi le ka mimiri ya n’wina ya le handle.

Eka miri wa le ndzeni, lowu wu nga moyo, i mianakanyo na miehleketo, na swin’wana na swin’wana. Hi fanele ku cukumeta sweswo hinkwaswo. U nga ka u nga anakanyi, u ku, “Sweswi yimani, loko Xikwembu xi ri Xikwembu xa kahle . . .” Nakona hi byeriwa swo tala namuntlha leswaku Xi tano. “Loko Xi ri Xikwembu xa kahle, kutani loko ndzi nga va na mbilu leyinene, hambi ndzi nga swi voni sweswo eBibeleni ku va swi ri kahle, hambi ndzi nga va na mbilu leyinene, ndzi ta ponisiwa.” U ta lahleka. [Xivati lexi ngariki na nchumu eka thepi—Muhleri.]

<sup>131</sup> “Loko ndzi ya ekerekeni ni ku endla ntsena swilo leswi ndzi pfumelaka leswaku swi lulamile, ni ku ringeta ku khomelela eka leswi ndzi ehleketa leswaku swi lulamile, kunene, mina . . .” Wa ha lahlekile.

“Ku na ndlela leyi langutekaka yi lulamile eka munhu, kambe emakumu ka yona kova ndlela ya rifu.” Wa vona? U nga ka u nga ponisiwi; u ta lahlekile. Wa vona? Wa vona? Ku fanele ku va Munhu wa vulawuri wa le ndzeni.

<sup>132</sup> “Kunene, ndzi vulavurile hi tindzimi, Makwerhu Branham. Kunene, xana a wu pfumeli eka ku vulavula hi tindzimi, Makwerhu Branham?” Hi ku hetiseka. “Kunene, ndzi huwelerile; xana a wu swi pfumeli sweswo?” Ina, nkulukumba. “Ndzi hanya vutomi lebyinene bya Xikreste. Xana a wu pfumeli eka sweswo?” Ina, nkulukumba. Kambe hambiswiritano sweswo a swi vuli leswaku u ponisiwile. U munhu wa kahle; wo tengen, wo tikhoma, wo kwetsima, munhu wa kahle.

Swingaleswi a swi ri tano hi vaprista lavaya, a va ri va vukhongeri hi xiviri, va vukhongeri ku fikela laha un’wana a hlavutelaka hi ku hoxisa, a va ta khandliwa hi maribye va fa. Xigwevo xa rifu xa ku tlanga hi Rito ra Xikwembu a ku ri rifu.

<sup>133</sup> Sweswo hi swona swi nga xiphijo hi tiko ra hina namuntlha. Xivangelo i ku va hi ri na swilo swo tala swa matluka lawa ya nga tiyangiki namuntlha, swigwevo swa kona a swi tiyanga ku ringanelia. Loko wanuna a kumekile a tsutsuma na nsati wa wanuna un’wana, ha vumbirhi a va fanele ku yisiwa erivaleni kutani va ya phahuriwa, kahle, erivaleni, kutani va ntshunxiwa. Hi swona sweswo. Loko munhu a kumiwe a endla xin’wana na xin’wana lexi hoxekeke, ehansi epatwini, erivilwini, a nga fanelanga a nyikiwa ehansi ka khume ra malembe; eka yena i ku. . . . ku dlaya hi ku tiyimisela. Wa vona? U veka swigwevo swo kotisa sweswo eka yona, u ta va hungutisa rivilo.

Kambe loko n’wa-tipolitiki un’wana wa mbabva a nga kuma lesiwani laha ni ku swi hundzisa, kutani a ku, “Kunene, a ri eku

nweninyana, a ri . . . a nga vuli ku swi endla sweswo." Nakona a nga dlaya wanuna, nsati, na ntlawwa hinkwawo wa vana lava nga riki na nandzu, va tshika Ricky a hundza hi kwala na swona, sweswo i tipolotiki. Sweswo i misava. Sweswo i javulosi.

<sup>134</sup> Xikwembu xi vule leswaku loko wanuna a kumiwile evuoswini, kumbe wansati, va humeseleni erivaleni kutani mi va khandla hi maribye va fa. Sweswo swa swi tshamisekisa. Wa vona? Loko a nga kumeka a tlakurile hambi ku nga va ntiko wa rimhandzi, hi siku ra savata, "N'wi tekeni mi n'wi khandla hi maribye." Va hanyile hi swona khale. Kutani sweswi, wa vona, a ha ri na wona muxaka wa milawu leyi namuntlha.

Kambe Mukreste, ku nga kereke, leyi ndzi vulavulaka na yona mixo lowu, nawu walowo wa Xikwembu wu le timbilwini ta n'wina. Ma vona? A ma ha ri na ku swi tsakela ku swi endla. Wu le ndzeni lahwani. Mi lava ku hlaysia nawu wa Xikwembu hi ku hetiseka. Swi nga ri na mhaka leswaku wu yini, mi lava ku va ntsena leswi . . . Loko—loko Xikwembu xi lava xisangwani xale nyangweni, Xi lava n'wina leswaku mi va xisangwani xexo, mi tsakile swinene ku va sweswo. Swi nga ri na mhaka leswaku swi ta va njhani, mi lava ku va xisangwani xexo xa le nyangweni. Ma vona? Hambi Xikwembu xi mi lava leswaku mi endla yini, sweswo hileswi mi lavaka ku swi endla, hikuva i Xikwembu. Sweswi, kwalaho hilaha mi kumaka ra n'wina hi ntiyiso, ra xiviri, rirhandzu ra ntiyiso ra Xikwembu.

<sup>135</sup> Sweswi ha kumisia kwalaho, leswaku, "Loko Ntsumi yi nga chumayela swin'wana na swin'wana," ehandle ka leswi fambeke, leswi vuriweke khale eBibeleni, "a yi rhukaniwe." A ku na loyi a nga swi kotaka. U nga ka u nga swi endli sweswo; Ri fanele ku va hi ndlela leyi Ri vulaka swona.

<sup>136</sup> Nakambe ha hlaya, eka Nhlavutelo 22:18 na 19, "Loko munhu un'wana na un'wana a nga engetela rito rin'we ntsena eka Leswi, kumbe ku hunguta Rito rin'we eka Yona, Xikwembu xi ta susa ku averiwa ka yena eBukwini ya Vutomi." Hi swona. Xikwembu xi ta susa ku averiwa ka yena, hambi a ri muministara, xin'wana na xin'wana lexi a nga vaka xona, na rito ra yena . . . vito ra yena ri tsariwile eBukwini ya Vutomi. Xikwembu xi te, "Ndzi ta ri sula ri suka," hi swona sweswo, "loko a engetela nchumu wun'we eka Rona, kumbe ku hunguta Rito rin'we eka Rona." Kwalaho hilaha Xikwembu xi endeke Rito ra Xona leswaku ri nga koti ku hoxisa. Wa vona? U nga ha engetela eka kereke, kumbe u hunguta eka kereke. U nga engeteli eka Rito rero, kumbe ku hunguta eka Rona, hikuva Xikwembu xi ta susa vito ra wena eBukwini ya Vutomi. Nakona, kwalaho, u ta va u herile. Wa vona? U nga ka u nga engeteli eka Rona, kumbe ku hunguta eka Rona. Ri ntsena hakunene leswi . . .

<sup>137</sup> A Ri lavi mutoloki, hikuva Bibele yi vule leswaku Xikwembu hi xona xi titolokelaka Xona N'winyi eka Bibele. "A ri na ku tolokeriwa ka le xihundleni," ku vule Petro. Hi swona.

<sup>138</sup> Nakambe Matsalwa hinkwawo ya nyikiwile hi Vukwembu, ya vekiwa eka ntshamiseko hi Vukwembu, nakona nchumu hinkwawo i nhlavutelo wa Yesu Kreste. Leyintshwa na Testamente ya Khale, laha va nga rhanga va vula hi ta ku ta ka Yena, leswi A nga ta swi endla loko A fika lahawani, na leswi A nga ta swi endla eka nguva leyi taka. Kutani sweswo swi N'wi endla loyi a fanaka tolo, namuntlha, na hi masiku. Wa vona?

Kukotisa eka Vaheveru lahaya, loko Paul a ta yi tsala. Hi Yena Xikwembu, "Yesu Kreste wa tolo," wa Testamente ya Khale. Hi yena "Yesu Kreste namuntlha," loyi a tivonakariseke enyameni. "Nakona hi Yena Yesu Kreste hi masiku," eXimoyeni, "ku vuya." Wa vona? Wa vona? "Loyi a fanaka tolo, namuntlha, na hi masiku."

Nakona Wa hanya hilaha ku nga heriki ku endlela leswaku Rito ra Yena Ri hanya leswi Ri swi vuleke leswaku ri ta swi endla eka nguva yaleyo. Wa hanya.

<sup>139</sup> A hanya eka Testamente ya Khale, u tivonakarisile. Ntsena ndzi lava leswaku mi vona swin'wana swintsongo lahawani, loko mi nga swi yimela. Langutani, loko Yesu a ta va a tivonakarisile eka Testamente ya Khale, tanihi loko hi swi pfumela.

Sweswi, n'wina vachumayeri mi nga ehandle kwahalano, mi nga ha kanetana na swona, mi endla xin'wana na xin'wana lexi mi xi lavaka, kambe ndzi vulavulela eka ya mina... leswi ndzi swi ehleketa. Wa vona?

<sup>140</sup> Loko Yesu a ta va a tivonakarisile eka Testamente ya Khale, eka miri wa rito, hi munhu wa Melkisedek; ku nga ri vuprista, kambe Munhu, Munhu. Wa vona? Hikuva, Munhu loyi a nga se tswariwa, kambe A ri eka miri wa rito, swingaleswi A nga ri na tatana, na manana. A ri Xikwembu hi Xoxe. A tivonakarisile hi xivumbeko xa Munhu, loyi a vitaniwa, "Hosi ya Salem, laha ku nga Hosi ya ku Rhula, na Hosi ya ku Lulama." Wa vona? A ri Melkisedek. "A nga ri na tatana hambi a ri manana, a nga ri na ku sungula ka masiku hambi ma ri makumu ya ku hanya ka yena." Wa vona? A ri Yesu eka miri wa rito, hi xivumbeko xa Munhu. Xana u nga famba ha sweswo? Hi swona.

<sup>141</sup> Kutani U tiendlile munhu wa nyama, kutani a aka exikarhi ka hina, hi Munhu wa Yesu Kreste hi Yexe, loyi a tswariweke hi Maria loyi a nga tivi wanuna. U tile hi xivumbeko xexo leswaku A ta kota ku fa, kutani a tlhelela endzhaku eTilweni.

Sweswi eka masiku lawa yo hetelela, U tshembhisile ku tivonakarisa hi Yexe hi vutalo nakambe, enyameni ya Yena, eXimoyeni. Wa vona? "Kukotisa hilaha swi nga humelela hakona eminkarhini ya Sodoma, swi ta va tano ni le ku Vuyeni ka N'wana wa munhu." Sweswi langutani Sodoma, hilaha ri veke hakona, ni leswi humeleleke. Kutani Yesu Kreste a tivonakarisile hi xivumbeko xa miri, xa Kereke ya Yena namuntlha, wa vona, a endla swilo leswi fanaka, mintirho leyi fanaka, swilo leswi

fanaka leswi A swi endleke minkarhi hinkwayo, a nga cinci, yena Loyi a nga Heriki. Wa vona? Nakona nale henhenli ka misava namunthla, U tivonakarisile hi Yexe emimirini ya vanhu, mimiri ya hina ya ximunhu leyi A yi vitanek, na ku endla swo fana ni leswi A swi endleke hi minkarhi leyo tala, ni le minkarhini ya nyama ya Yena ehenhla ka misava. Na ku endla nchumu lowu fanaka namunthla, hikuva, "Xikwembu hi minkarhi leyo tala xi vulavurile na vatatana wa hina hi vaprefeta, kambe eka masiku lawa yo hetelela xi vulavurile na hina hi N'wana wa Xona, Yesu Kreste." Wa vona, N'wana ku va a paluxiwile emasikwini yo hetelela, Xikwembu xi tivonakarisa eka munhu wa nyama, xi tshamile ntsena ku nga se va na ku herisiwa ka Sodoma, makumu ya misava ya Vamatiko. Ma swi vona xana?

Ku na ku humelerisiwa ka nharhu.

<sup>142</sup> Sweswi, lexi xi nga landzela ku va xi humelela, hiloko hinkwaswo swi hlengeletiwa eka Munhu yaloye un'we, Yesu Kreste, Mutekiwa na Miri, eku vuyeni hi nyama ka Hosi Yesu. A endla minkarhi ya Yena yi nharhu... Loko A ta va a tisiwile emisaveni; a dlawa, a vambiwa, a pfuka nakambe. A ti vonakarisa hi Yexe hi xivumbeko xa Miri wa Yena, lowu nga Mutekiwa wa Yena, a nga Wansati. Ma swi kuma xana? U xiphemu xa Miri wa Yena.

Nakona wansati na wanuna ntsena va va ekusuhi kun'we, ku fikela laha ntsena va nga... Va fanaka. A va fanerile ku va tano, hi ndlela yin'wana. Va tano, wa vona, ntsena va vonakarisiwile ku fana. Wansati i xiphemu xa wanuna, hikuva u humesiwile eka yena.

Nakambe Mutekiwa namunthla u humesiwile emirini wa Kreste, lowu wu endlaka ntsena hilaha A vuleke leswaku Swi ta endla hakona eka siku leri, Mutekiwa, Hosikazi; Hosi na Hosikazi. Hi swona.

Hi le ku siyiweni hi nkarhi sweswi, kutani hi ta fanele ku hatlisa hi hetisa.

<sup>143</sup> Hi swona, Bibele hinkwayo i nhlavutelo hinkwawo wa Yesu Kreste, loyi A titivisaka eka nguva yin'wana na yin'wana. U titivisile yena N'winyi emasikwini ya Luther, tanihi masungulo; ku nga kereke, ku nga nkondzo, milenge.

Kukotisa hilaha A endleke Hosi Nebukadnetsar; ma swi tsundzuka hilaha a lorheke milorho liya, ni ku ta ku suka enhlokweni ku ya ehansi? Wa vona? Sweswi U ta ku suka eminkondzweni ku ya ehenhla. Wa vona? Eka mfumu wa Babilona U kombisile hinkwayo Testamente liya ya Khale, U tile ku suka enhlokweni ku ya ehansi, ku fikela laha A xikelaka ehansi ku kondza Xikwembu hi Xoxe xi va nyama emilengeni ya xitepisi. Sweswi lahawani eka Testamente Leyintshwa, U ti vuyisela nakambe hi Yexe a tlhelela ehenhla, ku ya eNhlokweni

nakambe, Nhloko ya nsuku, leyi nga ta ambexiwa harhi. Wa vona? Langutani. Ma swi kuma xana?

Wa vona, Xikwembu a xi ri emasunguleni, nakona a Xi tshamela ro enhlela ehansi, hi vaprofeta, na ku ya ehansi, ku fikela laha Xikwembui xi ti hundzuleke munhu xona hi Xoxe kukotisa hina, xi ya ehansi eka nkondzo wa xitepisi, N'wana loyi a tswareki exitsengeleni; loyi a vengiweke, loyi a ariweke, loyi a nyenyiweke, ni ku va na vito ro biha, ni hinkwaswo leswi A ri xiswona. Kutani U sungurile ku gonya, wa vona, nakona ku suka emilengeni U sungurile ku aka Kereke, yi nga Mutekiwa, a vuyela endzhaku, ku ya endzhaku; kutani sweswi u humelela eka Nhloko ya ribye, laha hinkwaswo swi hlanganaka kun'we kutani swi endla wun'we lowukulu Miri wa Yesu Kreste lowu kwetsimisiweke.

<sup>144</sup> Xikwembu xa tipaluxa eka nguva yin'wana na yin'wana hi Rito ra Xona ra xitshebbiso xa nguva yaleyo. Sweswi a hi languteni ntsena leswi swin'wana swa switshebbiso swa Xona swi nga xiswona namuntlha, loko ha ha pfala sweswi hi marito lama mo hetelela.

<sup>145</sup> Sweswi Xikwembu xa tipaluxa xona hi Xoxe eka Rivoni ra nkarhi wa na madyambu. A hi voneni sweswi. Hi vona . . .

<sup>146</sup> Ntsena ndzi na xijumba xa Matsalwa lawa ya nga tsariwa ehansi lahwani. Tanihi laha mi nga ha swi vonaka eka papila leri, leswaku i Matsalwa mangani lawa ya nga tsariwa lahaya. Kambe, ntsena ho va na kwalomu ka khume ntlhanu wa timinetse ku ya eka awara ya khume mbirhi. Ndzi lava ku ya ehandle. Nakona a ndzi se va na ku khwaxela ka rito, mixo lowu, hi ku vulavula. Nkarhi wun'wana swiphiphyuphyisi leswi nga lahwani swi ndzi endla ndzi va na rito ro khwaxela.

Kutani loko Makwerhu Neville a nga ri . . . A wu na nchumu xa madyambu lawa xana? [Makwerhu Neville a ku, "Ee."—Muhleri.] Hi swona, hi swona, ndzi ta . . . Loko hikwaswo swi lulamile, ndzi na swin'wana. Ndzi kumile phakiti ra tisigarete, siku rin'wana, ri wile enhoveni; nakona ndzi kumile Hungu hi phakiti leri ra tisigarete, ra madyambu ya namuntlha, loko Hosi yi swi rhandza. Wa vona?

Swingaleswi, ndzi na wona Matsalwa lawa lahwani. Nakona a ndzi lavi ku teka nkarhi wo leha, leswaku mi ta kota ku tlhela mi vuya.

<sup>147</sup> Phakiti ra tisigarete, ri vulavula. Hi swona. A ndzi sungula kwalahaya hi le xikarhi ka nhova, kutani kwalahaya a ku wile phakiti ra tisigarete, nakona ndzi fambele ekule. Ndzi ehleketa, "Kunene, munhu un'wana a nga va a ri emahlweni ka mina."

Kutani Xin'wana xi ku, "Hundzulukela endzhaku kutani u rhwalela xilo xexo."

Ndzi ehleketa, “Ndzi rhwalela phakiti ra tisigarete? Ku nga ri mina.”

Xin’wana xi ku, “Tlhelela endzhaku u ya rhwalela phakiti lero ra tisigarete.”

Nakona ndzi korhamerile ehansi, a ku ri na phakiti ra khale leri a ri nga ri na nchumu, kutani ndzi vonile nchumu wun’wana. Ndzi ta mi byela ha wona, madyambu ya namuntlha, loko Hosi yi swi rhandza. Hi swona.

<sup>148</sup> Sweswi hi ya eku vulavuleni hi Mavoni ya na madyambu, eka xinkadyana xintsongo. Bibebe yi vhumba leswaku ku ta fika nkarhi, enkarhini wo hetelela, leswaku dyambu ri ta tlhava, nakona ku ta va na Rivoni ra na madyambu. Hinkwerhu ha swi tiva sweswo. A hi swi tivi xana? Hina, hina . . . Hina lava hi tivaka Hungu ra hina ra namuntlha ku suka eka Hosi Yesu, hi pfumela leswaku ku ta va na Rivoni ra na madyambu. Nakona Rivoni leri ra na madyambu . . .

Hakunene, Rivoni lerikulu ri ta ta loko Yesu yena N’winyi a ta tivonakarisa laha emisaveni, kumbe ehenhla eMatilwени, ku tekela Mutekiwa wa Yena ekule, kutani Mileniyamu yi ta nghena.

<sup>149</sup> Kambe hi na wun’wana wa minkarhi leyi chavisaka lowu hi faneleke ku hundza eka yona, leyi yi nga tshama yi va emahlwени ka vanhu. Nakona ndzi lo yimela awara ntsena, nakona loko hi nga kuma . . . un’wana na un’wana a nga kuma nkarhi laha u humaka entirhweni ni ku tshama masikunyana, kutani hi nga tshama kun’wana laha ndzi nga ta vulavula hi Makhombo lawayani na swilo leswi nga ta wa emasikwini ya makumu; ni ku hoxa kwalamu ka mambirhi kumbe manharhu mavhiki kun’we, ni ku hlanganisa sweswo kun’we, loko Hosi yi ndzi pfumelela ku hanyela ku swi endla ni ku ndzi huhutela ku endla tano, ni ku vona hilaha sweswo leswi swi nga ta cheriwa endzeni hakona, na Tindlati teto. Kutani mi ta kuma leswi wanuna yaloye na vanhu lava a va swi lorha mayelana na swona, na hinkwaswo swilo leswi nga lahawani, swi ta humelela; wa vona, mi ta swi xiyisisa leswi vanhu lava va swi paluxeke, yona Ndlati leyikulu leyi taka yi huma e—e handle eswibakabakeni. Sweswi, hakunene, ntlawa wa n’wina hinkwenu, ma swi tiva leswaku ndza swi tiva leswaku sweswo—leswaku sweswo swi vula yini, ma swi vona. Nakona, kambe a hi yimeni ku fikela loko nkarhi wu fika, ma swi vona, ku va swi endleka, wa vona, sweswi, nakona swi ta va swi tele hi nguva ya swona.

<sup>150</sup> Sweswi, swingaleswi hi ya eku hlayeni ka yan’wana ya lawa—lawa Matsalwa lahawani. Sweswi, eka ku ta ka Mavoni ya na madyambu, sweswi, hi xiyisisa leswaku ri ta fanelia ku va Rivoni leri fanaka ni leri veke kona ni mixo.

Hikuva, a ku na dyambu rin’wana ni mixo na dyambu rin’wana hi ndzhenga. I dyambu leri fanaka. Dyambu rona leri

nga hi ndzhenga ra ha ri rona emixweni; ra fana emixweni tanahi ndzhenga.

Sweswi, Ri te, "Siku hi roxe," siku exikarhi ka nkarti walowo, "ri ta va ra muxaka wo tanahi walowo, oho, tanahi ku kanganyisa, siku ra munyama. Ri nga ka ri nga vuriwi nhlekanhi kumbe jusiku, ri le exikarhi ka sweswo."

<sup>151</sup> Wa vona, sweswo i ku vumbiwa ka Miri, ku sukela eminkondzweni, ku gonya ehenhla. Loko A ha ri kona lahawani emisaveni, A ri N'wana, ku Vonakala, kutani U dlayiwile. Kereke yi tekile ndhawu ya Yena, kutani va xanisiwa va nghena eka Tinguva ta Munyama, kutani yi sungula ku aka eka masungulo ku humela ehandle. Kutani xana ku vona ku ta ku huma kwihi? Ehenhla ka nhloko.

Ma xi vona xivono xexo; xa Nebukadnetsar? Ma N'wi vona ku ya ehansi, ku sukela emasunguleni ya nguva ya Vamatiko ku nga se va na ku halateriwa ka vona Ngati na ku endla ndziho. A va ri vahundzuki lava nghenisiweke. Kambe xiyisisani swi yile ehansi, ku ya ehansi, ku ya ehansi ku fika emakumu, hi xikombiso, wa vona, swi xi yisile ehansi.

Kutani xi sungula endzhaku, ku vuyela endzhaku, Kereke yi vuyela endzhaku ku suka eminkondzweni, ku ya ehenhla. Sweswi yi le nkarnini wa nhloko–nkarti wa nhloko. Sweswi xiyisisani Rivoni.

<sup>152</sup> Mi nga ka mi nga swi voni hi mavoko ya n'wina, hambileswi ya nga xiave xa miri. Mi nga ka mi nga swi voni hi tindleve, hambiloko ti swi twa. Mi nga ka mi nga swi voni hi nhompfu, hambileswi yi nuhetaka. Mi nga ka—mi nga ka mi nga swi voni hi milomo, hambileswi yi vulavulaka; wa vona, yaleyo a ku ri nguva ya Pentekostal. Kambe sweswi yi le ka nkarti wa tihlo, ku nga ku vona. Wa vona? Sweswi, ku hava xiyimo xin'wana lexi famba-fambaka endzhaku ka tihlo. A hi swona xana?

Nchumu lowu landzelaka i vutlharhi, lowu nga Kreste hi Yexe, Loyi a lawulaka Miri hinkwawo.

Ku hava ku famba-famba, rifambo emahlweni ka sweswo. Wa vona? Nchumu wun'wana na wu'nwana wu famba-fambile. Wa vona? Wu fambisa minkondzo ya wena, wu fambisa tihlampfana emilengeni ya wena, wu fambisa hinkwaswo. Wu fambisa swa n'wina... Tindleve ta n'wina ti nga ha famba-famba, nhompfu ya n'wina, milomo ya n'wina, na swin'wana na swin'wana. Kambe endzhaku ka matihlo ya n'wina, ku hava nchumu lowu famba-fambaka.

Hikokwalaho va koxaka leswaku vavanuna va hatlisa ku huma mimpondlhia, swi hikokwalaho, wa vona, ku hava vutiolori byo tumbuluxa misiha e—e misisini, nhlonge ya nhloko. Wa vona? Nakona ku hava harhi leswaku ku kumeka ngati ehenhla kwalahaya. Ngati yi nge pompeki yi hundza, wa vona, yi nge

gonyi ni ku phakela ngati. Hikuva, e—e rimintsu ra misisi ri hanya hi ngati.

Kutani sweswi hi kuma leswaku xiphemu xexo, ma swi vona, ku hava nchumu endzhaku ka tihlo.

<sup>153</sup> Sweswi a hi kumisiseni. “Ku ta va na Rivoni” (exikarhi ka siku xana?) “hi nkarhi wa na madyambu!” Xana Rivoni ri tiseriwe yini? Leswaku mi ta kota ku vona laha mi nga... hilaha u nga famba-fambahka. A hi swona xana? Ma ku vona laha mi nga kona. “Ku ta va na Rivoni hi nkarhi wa ni madyambu.”

<sup>154</sup> Sweswi, hi teka sweswo sweswi hi swi fananisa na Malakiya 4. U tshembhisile leswaku ku ta va na Rivoni leri ri taku nakambe hi nkarhi wa ni madyambu, wa vona, “Hikuva, vonani, Ndzi ta mi rhumela muprofeta Eliya, kutani u ta tlherisela e—e vana va tlhelela eka vatatana, na vatatana eka vana,” (a hi swona sweswo xana?) “leswaku Ndzi nga tshuki ndzi ta kutani ndzi ba tiko hi ku ri rhukana.”

<sup>155</sup> Sweswi a hi tekeni Yohana kumbe... Mukwetsimi Luka 17:30, hi languta leswi Yesu a swi profeteke lahaya, a vula leswaku, “Kukotisa leswi humeleleke eminkarhini ya Sodoma, swi ta va tano...”

Sweswi tsundzukani, xiyisisani, lowu i nkarhi lowu N'wana wa munhu a nga ta paluxiwa ha wona; ku paluxiwa ka N'wana wa munhu. Sweswi, N'wana wa munhu hakunene-nene a paluxiwile exinyameni, ntsena xinkadyana xintsongo kwalahaya, ntsena loko Sodoma ri nga se hisiwa. Sweswi, Wanuna yaloye a ri Elohim. Yaloye a ri Xikwembu; nakona Yesu i Xikwembu. Nakambe Xikwembu xi tipaluxile exinyameni kona kwalahaya eka xinkadyana xintsongo, ku vulavula na Abraham, eka ndzavisiso wa ku avanyisa. Ntsena eka swintsongonyana, N'wana wa munhu u paluxiwile; N'wana wa munhu, Elohim. Xana ma swi vona, kereke? [Nhlengeletano yi ku, “Amen.”—Muhleri.] N'wana wa munhu, Elohim, u paluxiwile ntsena xinkadyana xintsongo. Hikuva, hi mixo lowu landzelaka ri hisiwile, (rini?) dyambu ri nga se xa nakambe.

Kutani ku nga ka ku nga ha vi na vandla leri salaka, nakona ku nga ka ku nga ha vi na ku yisa emahlweni kun'wana ku tlula loku humelelaka sweswi, hikuva ri ta tshwa siku ri nga se xa nakambe. Mpfxulelo wu herile, ku tsemekanya tiko. Ku nga ka ku nga ha vi na mimpfuxelelo yin'wana, mimpfuxelelo leyikulu yo kukula; laha tiko leri ro ka ri nga yi kumanga. Mi nga ha va na ku nhlengeletana ka vutlharhi. Kambe, ndzi vula, mpfxulelo wa Ximoya, hi swi vonile hinkwaswo ka swona. Ndza tshembha leswaku mi le ku swi khomeni. Ndzi swi vula hi ndllela ya leswaku—leswaku ndzi tshembha leswaku ma swi kuma. Wa vona? Swi herile.

Muvuri wa Rito wa kahle u te, nkarhi lowu hundzeke, u te, “Makwerhu Branham, loko ntsena ndzi nga va na ntsako wa Hosi embilwini ya mina!”

Ndzi ku, “Jaha ra mina, mpfuxelelo wu herile.” Wa vona?

<sup>156</sup> Sweswi swo tiyisisa swi vekiwile exikepeni. Magandlati lamakulu mo chavisa ma le handle lahaya emahlweni ka hina; kambe ha swi tiva, ntsena emahlweni ka gandlati rero ehenhla lahaya, hi tshinelela ribuwa. Wa vona? Hi tshinelela ribuwa. Ntsena tshamani mi tiyile. Ntsena tshamani eRitweni. Tshamani na Xikwembu. Swi nga ri na mhaka leswaku mi titwisa ku yini, kumbe ku na yini na yini; tshamani mi lulamile na Rito. Swi—swi—swi pfumeleleli swi tshama swi tiyile, loko mi vona hinkwawo mapapa lamakulu ma khale ma hi rhendzerile, na swidzedze swi ri eku teni, na tibomo ta tiathomiki, na hinkwaswo leswi a va vulavula hi swona. Kambe swo tiyisa swa hina swi lulamile eRitweni. Xikwembu xi te swi ta va kona kwalahawani; hi ta fikelela maninginingi ya wona hinkwawo. Ina, hi ta gonya hi ya ehenhla ka wona. Ina, hakunene! Wona, ma nga ka ma nga hi mbombomerisi. Ma nga ka ma nga hi nwerisi. Loko u hi hoxa esirheni; hi ta huma nakambe. Sweswo ntsena hileswi swi nga xi swona. Ku hava ndlela emisaveni yo xi khoma ehansi lahaya. Hi ta fika emaninginingini ya wona hinkwawo, hikuva Ndhuna-nkulu wa hina Lonkulu wa vitana etlhelwени lerin’wana.

Hi nghenile eka Yesu, swidzedze swa vutomi  
ndzi ta swi hlula;

Ndzi nghenile eka Yesu, a ndzi chavi mheho  
kumbe gandlati;

<sup>157</sup> Xin’wana na xin’wana lexi nga vaku xona, a xi ti. Leswi swi nga ta va swi ri xiswona, leswi swi nga ta va swi ri swona, a swi kali swi endla ku hambana. Hi nghenile kwalahaya eka Yesu. Loko ndzi hanya, ndzi ta hanyela ku kwetsima ka Xikwembu. Loko ndzi fa, kutani ndzi ta fela eku kwetsimeni ka Xikwembu. Ntsena ndzi—ndzi—ndzi lava ntsena ku . . . I swa ku kwetsima ka Xikwembu, hileswi ndzi swi lavaka ku swi endla. Loko sweswo hinkwaswo swi herile, a ndzi lavi ku tshama nkarhi wo leha. Ndzi lava ku ya laha . . . eka hakelo leyi A ndzi xaveleke yona; kungari leswi ndzi swi holeke, kambe leswi A ndzi xaveleke swona, leswi A ndzi nyikeke swona hi tintswalo ta Yena.

<sup>158</sup> Kutani hi vona Rivoni ra namadyambu ri fikile. Nakona xana swi endla yini leswaku ku va na Rivoni, loko u nga ri na mahlo yo vona hilaha u nga rhendzelekaka hakona eka Rona? Xana i yini Rivoni ra namadyambu? Rivoni ra ta, ku ta paluxa swin’wana. A hi swona xana? Loko ku ri na swin’wana *lahawani*, u swi twa nakona u nga swi twisisi leswaku i yini, emunyameni, kutani lumeka rivoni. I ku paluxa! Leswi Malakiya 4 a nga ta swi endla? Wa vona? Ku endla swo fana. Xana ku lemuriwa ka Swilemo swa Nkombo a ku ri ko endla yini, laha tidinominexini hinkwato ti

dedelekaka ku rhendzeleka hi kona eka leswi . . . ? . . . Iku paluxa, ku humesela ehandle. Loko u ri hava mahlo, kutani hi wihi nkoka wa ku paluxa xana? Ku fanele ku va na mahlo, ku sungula, yo vona. A hi swona xana? Ku paluxa Malakiya 4, ku paluxa Mukwetsimi Luka 17:30, Mukwetsimi Yohana 14:12, na yona Yohana 15:24, 16:13. Nakambe ku paluxa Nhlavutelo 10:1 kufika eka 7, ku lemuriwa ka Swilemo swa Nkombo, na Hungu ra ntsumi ya vunkombo; ro pfula, ro paluxa, loko Rivoni ra ni madyambu ri ta. Sweswi loko munhu . . .

<sup>159</sup> Eka Nguva ya Laodekiya, vanhu a va (yini?) “nga ambalanga nchumu.” Xana va tano? “Va ri mabofu.” Hi swihi swa kahle leswi Rivoni ri swi endlaka eka munhu la nga fa mahlo? Loko bofu ri rhangela mabofu, xana a va weli egojini hinkwavo ka vona xana? “A wu ambalanga nchumu, u fe mahlo, nakona a wu swi tivi.” Hambi ku ri tindzawulo ta vona ta miehleketo ti fambile, tindzawulo ta vona ta miehleketo ya ximoya, hi matwisiselo ya ximoya. Wa vona?

“Lava nga twisiseki, lava tikurisaka, lava rhandzaka ku tsaka ku tlula ku rhandza Xikwembu; lava nga tshembekiki, valumbeti, lava nga tiviki ku tikhoma, lava vengaka lavanene; va ni ngohe ya vukhongeri, kambe va arile Matimba ya byona.” Matimba ya nhlavutelo; a va pfumeli hambi ku ri ku pfumela eka yona. Wa vona? A va pfumeli eka swilo swo kotissa tanihi vaprofeta. Nakona a va pfumeli eka swona. Va pfumela leswaku—leswaku Malakiya 4 ku ta va kereke yin’wana kumbe vandla rin’wana.

Loko a ta ro sungula, a ri wanuna. Loko a ta ravumbirhi, a ri hi swiave swimbirhi, a ri wanuna. Loko a tile hi xivumbeko xa Yohana Mukhuvuri, a ri wanuna. Wa vona?

Emasikwini ya makumu, loko Mavoni ya ni madyambu ma sungula ku hatima, mahlo ma ta pfuleka kutani mi ta vona laha mi yaka kona. Kutani Miri i khale wu vumbiwile, wu yimile hi milenge ya wona, wu famba-famba, wu fambisiwa hi Moya lowo Kwetsima. Yini? Wo fana na Lowu wu fambeke ehenhleni ka vaprofeta lava tsaleke Bibele, Moya lowo Kwetsima lowu fanaka wa famba-famba eMirini lowu taleke hi Moya lowo Kwetsima, wu fambela eka Moya lowo Kwetsima, wu huma eka mavandla hinkwawo, eka tinxaka hinkwato, tindzimi, na vanhu.

<sup>160</sup> Manana lontsongo lahawani, a nga weli eka vandla leri, kumbe vandla leri. . . u wela eka nhlengeletano leyi. U huma kun’wana, nakona u tile mixo lowu, a ri na xifaniso lahaya. A ri. . . u xi nyiketile jaha ra mina, loyi a hlameleke ngopfu. A ndzi swi tivi loko a kale a twa hi mayelana na Lexi kumbe njhani. A ndzi tivi. A ri na xifaniso xa Ntsumi leyi ya Hosi leyi a yi ri eka Tinguva ta Nkombo ta Kereke, ku pfuriwa ka Swilemo swa Nkombo, ehandle lahaya, loko swi endleka. U te, u langutile endzhaku hi lahaya, kutani u vonile ku yima kwaloko exibakabakeni, eka norho. Nakona u langutile endzhaku hi

lahaya ni ku vona sweswo, u vonile un'wana loyi a ambarile swo basa, a macha a ya emahlweni; nakona endzhaku ka swona, u te a swi languteka . . . U te, "Makwerhu Branham, a ku ri wena." Kutani a ku, "U machaka lahaya," a ku, "endzhaku ka wena, a ku ri vanhu va mihlovo yo hambanana, va khomile mijeko; Georgia, Alabama, tindhawu hinkwato to hambanana, va macha ku ya emahlweni," ku fika eka vurhangeri laha Kreste a nga paluxiwa eka xivono. Oho, haleluya!

<sup>161</sup> Hi le masikwini yo hetelela, na le ka tiawara to hetelela ta masiku. Xana ma N'wi vona sweswi eRitweni ra Yena, na hinkwaro Rito ra Yena leri ri vonakarisiweke kwala emahlweni ka hina? Oho, Kereke ya Xikwembu lexi hanyaka, yimani hi milenge ya n'wina, N'wi pfumeleni ni hinkwaswo leswi nga eka n'wina. Khomelelani eka Xivhilwani xexo xi nga exikarhi ka vhilwa, xi pfumeleli Xi tshega goza rin'wana na rin'wana ni ku famba kun'wana na kun'wana loku u ku endlaka. Hinkwayo mianakanyo leyi u nga na yona, a yi lawuriwe hi Xihondzo lexi nga endzeni ka wena. Hikuva, Xikwembu xi tshamile eRitweni ra Xona ra awara leyi, eka Rivoni ra ni madyambu, xi vonakarisa Rivoni.

<sup>162</sup> Vubofu bya mangadyani! U nga ha layita rivoni, nakona mangadyani—mangadyani a nga ha va bofu ku fikela laha a nga koteke ku haha. Xikhovha lexi rilaka, na hinkwaswo swingungumeri sweswo, na swin'wana swo kotisa sweswo, mahele na swin'wana, a swi voni exikarhi ka siku. A swi swi tivi leswaku hinkwaswo swi mayelana na yini. A swi voni.

Nakona Mavoni ya namadyambu ya fikile. Xifaniso xin'wana na xin'wana, hinkwako laha hi yaka kona, eka ntumbuluko, eka Bibele, eka—eka swifaniso leswi Melk—... leswi Daniel a swi voneke, na—na hosi ya nkarhi walowo, hinkwavo ka vona va swi vonile; na hinkwaswo swilo leswi, un'wana na un'wana, xivumbeko xin'wana na xin'wana, fambelo rin'wana na rin'wana, ndhawu yin'wana na yin'wana eMirini, hi ndhawu swi hi kombisa hi awara leyi hi hanyaka eka yona. Ku hava pfhumba rin'wana leri nga ta ehenhla ka yona.

Ku vile na pfhumba ra voko; nsovo, Wesley. Ku vile na pfhumba, ra masungulo; Luther. Nsovo, a ku kalanga ku va na lerikulu; a ri vitaniwa pfhumba ra Wesley. Va rhumerile timixinari emisaveni hinkwayo. Pfhumba rin'we lerikulu leri endliweke, eka nguva leyi rhangeleke sweswo.

Kutani ku fika nguva ya Pentekosta; kutani yi nghena hi tintiho to hambana na swin'wana, nguva ya Pentekosta, ya tindzimi, na tinhompfu, na swin'wana na swin'wana.

Sweswi swi le matihlweni. Xana hi swihi swa kahle leswi u nga lavaka matihlo, kumbe ku lava rivoni, loko matihlo ya lawa ya nga ri kona ku vona? Ku fanele ku va na matihlo, ku sungula, ku vona. Kutani loko sweswo swi ta, U lemurile

Swilemo swa Nkombo ni ku paluxa Rivoni ra ni madyambu, a teka hinkwaswo swihundla leswi fihliweke ehansi hi ku ya hi tinguva leti ta kereke, nakona sweswi ti paluxiwile tanahi leswi A tshembhiseke ku swi endla eka Nhlavutelo 10:1 ku fika eka 7. Hi hina lava namuntlha hi tshameke exikarhi ka Rito, nakona Rito ri le ku paluxiweni eka hina hi Yesu Kreste. Kutani, *Leri* i Rito ra Xikwembu.

<sup>163</sup> Ni ku va hi va ehansi ka Yena, hi fanele ku fambela ekusuhi na Mutsari, ku Ri twisisa, ku va Ri paluxa. “O Hosi, U ta lava leswaku, ndzi endla yini xana? Loko ndzi fanele ku ya emasin’wini ndzi ya chumayela Evhangeli, kumbe ndzi fanele hi ku tshama ekaya? A swi na mhaka leswaku i yini, loko ndzi fanele ku va wansati wa kahle loyi a hlayisaka ndyangu, loko ndzi fanele ku va manana lonene, loko ndzi fanele hi ku endla *leswi, sweswo, kumbe leswin’wani?* Hambi ku nga va yini, loko ndzi fanele ku va murimi, loko ndzi... Hambi ku nga va yini, Hosi, U ta lava leswaku ndzi endla yini xana?”

<sup>164</sup> Xana a hi swona leswi Saul a swi rileleke ehansi lahaya, “Hosi, U ta lava leswaku ndzi endla yini?” A ri ehansi ek-... erendzweni ra yena ro ya e—e eku hoxeni ka kereke hinkwayo ekhotsweni. Kambe u vuye a huwelela, “U ta lava leswaku ndzi endla yini?” Loko Rivoni ri lumekiwile, ri kule kukotisa Langavi ra Ndzilo leri nembelelaka ehenhla ka yena. “Xana U lava leswaku ndzi endla yini xana?”

<sup>165</sup> Ndzi ehleketa leswaku lero i rito ra kahle ro pfala hi rona, na ku vula leswaku, “Hosi, xana U lava leswaku ndzi endla yini? Loko ndzi vona Matsalwa lawa ya paluxiwile hi ku hetiseka sweswi; Hosi, xana U ndzi lava leswaku ndzi endla yini?”

A hi korhamiseni tinhloko ta hina.

<sup>166</sup> Ndzi kombela un’wana na un’wana lahwani ku kambisia timbilu ta n’wina sweswi kutani mi vutisa xivutiso xexo xa leswaku, “Hosi, U ta ndzi lava leswaku ndzi endla yini xana?” Na n’wina vanhu, loko ku ri ma ha ri eka tintambhu ta tapingho ku tsemakanya tiko, mi korhamisa tinhloko ta n’wina mi vutisa leswaku, “Hosi, U ta ndzi lava leswaku ndzi endla yini xana? Hi ku vona leswaku hi kwala eka masiku yo hetelela na tiawara to hetelela, ntsena hi ku hetiseka emahlweni ka hina, swi paluxiwe erivaleni, U ta ndzi lava leswaku ndzi endla yini xana?”

<sup>167</sup> Xikwembu lexi rhandzekaka, loko va ha Ku vutisa xivutiso xexo; ndza vutisa, na mina, eka Wena, U ta ndzi lava leswaku ndzi endla yini xana, Hosi, tanahi loko ndzi lemuka leswaku siku rin’wana na rin’wana ri fanele ku hlayeriwa. Nakona ndza khongela leswaku U ta ndzi pfuna, Hosi, ku hanya hi ndlela leyi siku rin’wana na rin’wana, ri ta hlayeriwa eku xiximeni ka Wena ni ku dzuneka.

Ndza khongela leswaku U ta pfuna un’wana na un’wana hinkwako ku tsemakanya rixaka, ni lava va nga kona laha eka

tabernakele tanihi loko hi kambisia timbilu ta hina kutani hi ku, "Hosi, U ta ndzi lava leswaku ndzi endla yini xana? Ndzi nga endla yini, Hosi, ku kurisa Mfumo wa Wena na Xikongomelo xa Wena?" Hi nyiki, Xikwembu.

Kambisia, timbilu ta hina, ni ku hi ringeta. Loko ku nga va na ku homboloka endzeni ka hina, Hosi, ku tirhandzela kun'wana na kun'wana, nsusumeto lowu wu ngariki kahle na swikongomelo, O Xikwembu, hi basise hi Ngati ya N'wana wa Wena, Yesu Kreste, leyи hi ku titsongahata hi amukelaka ku kutsuriwa hi Yena eka rifu ra Yena ni ku pfuka ka Yena. Ni ku lulamisiwa hi ku pfumela leswaku U swi endlile leswi, hi ku tsaka hi amukela makungu ya ku ponisiwa loku U hi nyikeke, eka hina.

Tatana, ha Ku khensa eka Hungu leri ra siku, leri hi ri pfumelaka ni leri hi khomelelaka eka rona, ku tiva ni ku pfumela leswaku i Rito ra Wena ni Hungu ra Wena. Ku nga ri ku hambana na vanhu van'wana, kambe ku ringeta ku va lava fanaka na Yesu Kreste Loyi a nga xikombiso xa hina.

<sup>168</sup> Xikwembu lexi rhandzekaka, leswi andlariweke laha i swidukwani, nakona ku na vanhu lava vabyaka hinkwako. Na mina hi ndzexe, Hosi, ndzi karhele ni ku hlakala, mixo lowu. Ndza khongela leswaku U ta hi pfuna, Xikwembu lexi rhandzekaka. Hi langutela ntamu eka Wena. U Ntamu wa hina. U pfunile lavo tala swonghasi, Xikwembu lexi rhandzekaka.

<sup>169</sup> Siku rin'wana, ndzi ri karhi ndzi ehleketa ehansi lahaya khwatini, hi ri karhi hi rhendzeleka na Makwerhu Banks Wood, loko madokodela... Mbilu ya yena a yi nga ri kahle a nga ha swi koti na ku famba. Kutani ku ehleketa hilaha ndzi... a ndzi tiva, swintsongo ehenhla lahaya, ku famba etintshaveni letiya endzhaku ka xivono xexo, "Ndzi boheka ku kuma nghala yaleyo. Ndzi boheka ku vona nghala yaleyo yi dlaiywile."

Kutani ku vuyela ehansi lahaya, ni ku yima lahaya eTucson, eFurr's Cafeteria, ni ku vona swiambalo swa yena swi kokova ehansi, matihlo ma yena ma vunile. Ndzi ku, "Xikwembu, loko U nga kombisa xivono, laha nghala yi nga kona, kunene-nene U nga kombisa mayelana na Makwerhu Wood."

Kutani xi tile, "Tlhandleka mavoko ma wena ehenhla ka yena."

Nakona hi loyi namuntlha, u vuyile, Makwerhu wa hina Banks nakambe, loyi a tiyeke, a tsutsumaka ehenhla na le hansi ka tintshava letiya. Hilaha hi Ku khensaka hakona, Xikwembu lexi rhandzekaka. U Xikwembu lexi fanaka eka hina hinkwerhu tanihi leswi U nga vaka swona eka Makwerhu Wood. Ndza swi tiva leswaku Wa n'wi rhandza, hikuva i nandza wa Wena, loyi a tshembhekeke ni wa mbilu leyinene.

<sup>170</sup> Ndza khongela, Xikwembu lexi rhandzekaka, leswaku U ta tirhana na un'wana na un'wana wa hina, ni ku hi rivalela

swidyoho swa hina, ni ku horisa mavabyi ya hina ya mimiri ya hina. Hi endli swinene leswaku hi va tanihi Wena, siku na siku, Hosi, ku fikela laha hi fikaka eka xiyimo xexo xa Yesu Kreste. Hi nyike, Hosi. Ndzi tshembha leswaku U kambisisile mbilu yin'wana na yin'wana, sweswi, nakona hi tiva leswi hi faneleke ku swi endla. Hi kombela eka Wena leswaku u hi katekisa sweswi, hi Vito ra Yesu.

<sup>171</sup> Nakambe loko ha ha korhamisile tinhloko ta hina, ku nga va na un'wana a nga kona lahawani, kumbe ehandle eka—eka riqingho ku tsemakanya tiko, loyi a nga swi tsakelaka, loko ma ha khongela, na nhloko ya wena ya ha korhamile, ntsena yimisela voko ra wena eka Xikwembu sweswi. Hi sweswo ntsena leswi u nga swi endlaka; ku tele ngopfu lahawani mixo lowu. Ntsena yimisela voko ra wena eka Xikwembu, u ku, "Xikwembu, ndzi endli loyi a fanaka na Yesu. Ndzi—ndzi lava ku va loyi a fanaka na Yesu." Xikwembu a xi ku katekisi. Ehandle emisaveni ku tsemakanya tiko, mavoko ya hinkwako, ntsena vunyingi lebyi tiyeke. Na rona, ra mina ri yimiseriwe ehenhla. "Ndzi lava ku va loyi a fanaka na Yena. Ndzi kambisise, Hosi, kutani u kumisisa loko ku nga va na vubihi na byin'we eka mina; byi humesi. Ndzi—ndzi lava..." Yini? Ho va kwala ntsena nkarhi lowu wo leha, kambe hi ta hundza hambi u...hambi, swi nga ri na mhaka leswaku u mani, u fume njhani, u swele njhani, u lontsongo njhani, u lonkulu njhani.

<sup>172</sup> Loko ndza ha yimile tolo eka—eka lavantsongo, ntlawa wa vanhu va swisiwana ehenhla ka ntshava, ehansi eka... exinkobyanini. A ku ri na ndyangu lowuntsongo kwalahaya, wanuna loyi ndzi vulavuleke na yena mayelana na Xikwembu, khalenyana. U tile, nsati wakwe lontsongo, na nkombo kumbe nhungu wa vana; yena, lontsongo, nchumu lowu laleke swinene, ehandle lahaya a ringetaka ku tirha, tidolara tingari tingani hi siku. Kutani munhu u n'wi pfumelela ku tshama exiyindlwanini lexintsongo. Kutani nsati wa yena a ri ehenhla lahaya, a ri kusuhi niku kuma n'wana un'wana, nakona a ri na xihloka lexikulu ehenhla kwalahaya, a ri karhi a tsemelela tihunyi, ku ti kokela ehansi; na n'wana etsheveni lerin'wana, a ri karhi a koka rihunyi hi lerin'wana; u yile ehansi ku ya tsema rihunyi rero, kukota ku kuma tichuguru, ku ta pfuna ku sivela ndlala hi xixika. Mina, hilaha hi n'wi tweleke vusiwana hakona! Makwerhu Wood na mina hi yile hi ya teka xilorani, nakona hi yile kwalahaya ni ku ya n'wi tsemela rihunyi, kutani hi ri nghenisa endzeni. Yena, wansati lontsongo loyi a tivaka ku khensa, ntsena a yimile lahaya. Ndzi n'wi tweleke vusiwana. Nakona a hi tshamela ro va khongelela.

<sup>173</sup> Kutani n'wana wa yena lontsongo a khomiwa hi switshetshela. Hi yile hi ya khongelela n'wana lontsongo, nakona Xikwembu xi n'wi horisile. Nakambe siku rin'wana, nuna wa yena a ri ni vuvabyi bya heniya, nakona hi yile...

A ndzi ri ku vulavuleni na yena. A dzaha, ha vumbirhi bya vona. Wansati a tirhisa fole, na nuna a ri tirhisa, na yena, i ntoloveloo wa vanhu va le tintshaveni. Kutani a ndzi tshamele ro vulavula na vona hi swona. Nakona hi xatolo na mixo loko ndzi yile, kwalomu ka ku huma ka dyambu, u humile a ta kwalahaya, a khomanise mavoko ma yena kun'we, kutani a ku, "Makwerhu Billy, ndzi munhu loyi a hundzukeke." U te, "Ndzi dzahile sigarete ya mina yo hetelela, nakona ndzi tlulele etlhelweni ra Hosi."

Wansati a ku, "Ndza ha ku dzaha ra mina ro hetelela, na mina."

Oho, byala mbewu! "Mina Hosi ndzi cheletile. Ndzi ta yi cheleta nhlikanhi na vusiku, handle ka sweswo un'wana a nga yi simula emavokweni ya Mina."

<sup>174</sup> O Xikwembu, vana wa tintswalo sweswi, ndza khongela, nakona u hi nyika ku navela ka timbilu ta hina, hikuva etimbilwini ta hina hi lava ku tirhela Wena. Sweswi, Tatana, hinkwavo va le mavokweni ya Wena, hinkwako. I vana va Wena. Tirhana na vona hi ku ya hi tintswalo, Hosi; ku nga ri hi ku avanyisa, kambe hi tintswalo. Ha swi kombela hi Vito ra Yesu. Amen.

<sup>175</sup> Ma N'wi rhandza xana? [Nhlengeletano yi ku, "Amen."—Muhleri.] Hi timbilu ta n'wina hinkwato! Sweswi, n'wina lava mi nga na swidukwana, mi nga swi teka.

Kutani sweswi, swikhongelo swa hina, ndzi ehlereketa leswaku swi hatlisa swi sungula, awara ya nkombo, kumbe swin'wana swo kotisa sweswo. Makwerhu Neville u ta swi tivisa, ntsena hi xinkadyana, mayelana ni nkarhi wo sungula.

Ku nga va ku ri na nkhuvulo, ndza vhumba, mixo lowu? [Makwerhu Neville a ku, "Mati ma lunghekile."—Muhleri.] Mati ma lunghekile, loko un'wana a ri kona nakona a nga se khuvurihi Vito ra Hosi ya Hina Yesu Kreste, hikokwalaho ka yini, hakunene swi ni... Mati ma lunghekile ku endla ntirho wa ku khuvula.

<sup>176</sup> Hi khensa hinkwavo vamakwerhu va tiministara. Ndzi vona Makwerhu... A yi ri njhani nhlengeletano ya wena, yi fambe kahle, Makwerhu Parnell? Na Makwerhu Martin, na, oho, i vunyingi bya vona lahwani, Makwerhu Lee Vayle. Oho, ntsena kova na tiministara ntsena endhawini hinkwayo. Kunene ha mi khensa ku va mi ri kona, ku va na xinakulobye na hina ku rhendzeleka hi Rito.

<sup>177</sup> Swi nga endleka mi nga pfumelelani na mina ntsena hi ku hetiseka eka Leswi; a ndzi mi kombeli, ma swi vona. Nchumu wun'we ntsena, mo Ri tekela enhlokweni ntsena. Leswi mi ndzi byelaka swona, ndza swi tekela enhlokweni. Loko tiministara ti nga teka thepi, kutani va ku, "Kunene, a ndzi pfumelelani na swona." Sweswo swi lulamile, makwerhu wa mina. U nga ha va

u risa tinyimpfu tin'wana; u—u ti byisa swin'wana na swin'wana leswi u swi navelaka.

Ndzi ringeta hi vuswikoti hinkwabyo ku tshama eRitweni, eka lava va vekeriweke emavokweni ya mina hi Xikwembu, hikuva tinyimpfu ti lava swakudya swa tinyimpfu, hakunene. “Tinyimpfu ta Mina ti yingisa Rito ra Mina.” Nakona hileswi hi hanyaka ha swona, Rito rin'wana na rin'wana leri humaka.... Ku nga ri hinkwawo.... Ku nga ri ntsena Rito sweswi na nkarhi lowu taka; kambe Rito rin'wana na rin'wana leri humaka enon'weni wa Xikwembu, hileswi vakwetsimi va faneleke ku hanya hi swona.

A hi yimeni sweswi hi milenge ya hina. Loko ha ha korhamisa tinhloko ta hina....

Kutani Makwerhu Neville, u na swin'wana u lavaka ku va byela swona? [Makwerhu Neville a ku, “Ee.”—Muhleri.] Makwerhu Mann? Hi swona.

Hinkwerhu hi titwa kahle? Mi nge, “Amen.” [Nhlengeletano yi ku, “Amen.”—Muhleri.] Hi swona.

Sweswi a hi korhamiseni tinhloko ta hina.

Ndzi ta kombela Makwerhu Lee Vayle loko a nga ta ehenhla lahwani, kumbe a nga swi kota. Loko u ngaya lahaya, Makwerhu Vayle, loko u nga swi kota.

Makwerhu Vayle i makwerhu wa hina lahwani, mutsari wa tibuku. Nakona u le ku endleni ka leswaku buku yi lungheka sweswi, *Tinguva Ta Nkombo Ta Kereke*, na ku tirhana na *Swilemo Swa Nkombo*. Kutani hi tshembha leswaku ku nga ri khale ti ta va ti humile. Hi swona. Makwerhu Lee Vayle.

Xikwembu a xi ku katekisi.



*KRESTE U PALUXIWILE ERITWENI RA YENA N'WINYI* TSO65-0822M  
(Christ Is Revealed In His Own Word)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mhawuri 22, 1965, eTabernakeleni ya Branham eJeffersonville, Indiana, U.S.A., ri tekiwile ku suka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)